

17126

17127

17128

17129

Среднеазиатская Улусная

Горная

Улусная

891.99

U-34

4 Ташкент

1882

20 03

891.99 ՅՈՎՀԱՆՆԷՍ ՍԵԹԵԱՆ

U-34

50

ԳՐԱԿԱՆ ԶԲՕՍԱՆՔ

ԱՅԼԵՒԱՅԼ ՔԵՐԲՈՒԱԾՆԵՐ

Ա.



Կ. ՊՈԼՆՍ

ԱՐԱՄԵԱՆ ՏՊԱԳՐՈՒԹԻՒՆ

1882

Printed

3745

ed in Turkey

Ա.Ռ.

**ՄԵՄԱՓԱՏԻՒ ՏԷՐ Յ. ԳՈՒՐԳԷՆ**

Ազնիւ բարեկամ իմ,

Թոյլ պիտի սմբ ինձ որ Հայկական Կրթարանի Սաներուն նուիրեմ մի մասն քերթուածներու, զորս զանազան պարագայներ աստ եւ անդ ներշնչած են ինձ :

Եթէ, պարապ ժամերու մէջ, այս փորձիկ գիրք կարենայ նոցա միտքն զբաղեցունել եւ օժանդակ լինել նոցա արտի ազնուացման գործին, մեծ մխիթարութիւն մը պիտի լինի ինձ այս եւ վարձը անզին իմ փափագներուն :

25 մայիս 1882

Յ. ՍԵՔԵԱՆ

Օրբասիոյ.

Ա.Ռ.

**ԱԶՆՈՒԱՄԵՆԱՐ Տ. Յ. ՍԵՔԵԱՆ**

Սիրելի բարեկամ,

Ձեր ԳՐԱԿԱՆ ԶԲՕՍԱՆՔԻՆ զոր կը ձօնէք մեր սանուց յազնուացումն արտից նոցին՝ Պանկագին նուէր մի է ինձ համար եւ իրուամբ մի հրահանգիչ զքօսանք Հայ ուսանողութեան եւ չվարանիմ ասել, համայն ընծերցասիրաց :

Թոյլ տուր ինձ ապա տալ հանել զայն ի լոյս, Կրթարանիս սանուց Պարզեւաբաշխութեան առթիւ, իրել մրցանակ պատուական, եւ ջերմագինս յանձնարարել զայն ի մասնաւորի ամենայն դպրոցականաց :

Ձերդ

26 մայիս 1882

Յ. ԳՈՒՐԳԷՆ

յՕրբասիոյ.

Հիմնադիր-Տնօրէն Հայկ. Արքարանի.

391  
39



Ի ՅԻՇԱՏԱԿ

ԻՍ ՀՕՐ ՍԵՆԵՔԵՐՄԻ ՍԵԹԵԱՆ

ԵՒ

ԻՍ ՄՕՐ ՆԵԿՏԱՐԻ ՊԷԿԵԱՆ

Ա.ՐԶԱՆ

ԱՆՄՈՌԱՅ՝ ՍԻՐՈՅ

ԵՒ

ԱՆՅԱՄԱՔԵԼԻ ԱՐՏԱՍՈՒԱՅ

ՈՒՍԱՆ ՈՂՈՒԹԻՒՆ

Երբ յակնիռս կայք նեմարտութեան բանիցն ի լուր,  
Լաւ է թեքեսս որ մերք ընդ մերք հայիք այլուր.  
Եւ երկնային ամբիծ սիրոյ թէ զլոյս տեսնէք  
Այս փունջին մէջ, ըսփոփեցաւ իմ հոգին հէք:

(Կ'րուի թէ Անկեղծութիւնը, վաղ կամ անագան, մարդկային  
կենաց էական նկարագիրը պիտի լինի:  
Բարեբեր յարաբերական են միայն:  
Պիտի ներուի ինձ, եթէ կ'կանխեմ:  
Կ'յուսամ թէ պիտի ներուին ինձ նաեւ թերութիւնք որք, զիտեմ,  
սպրդած են գործիս ամբողջութեանը մէջ:)

ՄԻԱՅՆ ՈՒԹԻՒՆ

Մինչդեռ արեւ փողփողի կապոյտ երկնից յաստարէզ,  
Կեանք սփռելով յընդհանուրս, կեանք յորդարուլս, տօթակէզ,  
Եւ ամեն ինչ խըլըրտի խուղէլ իւր հաց փըշալից  
Համայնի մօր արգանդէն, կամ նոր լուրեր ի յերկնից.  
Մինչ ճըռընջեն մեքենայք, փայլի ոսկւոյն հետ սուր խով,  
Եւ պալատներ բարձրանան. մինչ հիւս, շինող, քարակոփ  
Մարմարագործ կամ փայտեայ կանգնեն ի վեր շինուածներ  
Ուր բնակին կամ մարդիկ կամ զանազան աստուածներ.  
Եւ երեւոյթք նորանոր պճնեն երեսն աշխարհի.  
Կենդանութիւն, սողալով որպէս վիշապ վիթխարի,  
Ամենուրեք սողտակի, արփւոյն տօթէն ջերմացած,  
Արշաւելով օձապտոյտ ամեն տեղեր, բարձր ու ցած.  
Եւ արեան հետ հոսէ քիրտ, զի մարդոյն նեղ է երկիր,  
Զի ճնշուելով տառապին բազումք մարդկան վշտակիր,  
Զի դեռ եւրս բաւական փորձառու չէ մարդկութիւն,  
Զի չի բաւեր տակաւին այսչափ դարուց հըռընտիւն.  
Ո՛րչափ սիրեմ ամայի լեռանց վրայ թափառիլ,  
Միակ ընկեր ունելով ամպոց արծիւն անարդիլ.  
Ոտից անկոխ ժայռերու յածիլ վերայ եղերաց,  
Նըսեմ վիհեր իմ ներքեւ, վերեսս երկին միգամած.  
Կամ անտառաց մէջ սուզիլ խորախորհուրդ եւ անտիւ,  
Ուր բոյսերու բազմութիւն իմ մտերիւնքն են անթիւ,  
Ուր անսահման լըռութիւն արքայական վեհութեամբ  
Խշխէ ի մութ աշխարհի, այլ ոյր երկին է անամպ,  
Ուր լըսէ մարդ իւր կուրծին հանդարտ, անդորր բաբախիւն

Եւ հոգւոյն մէջ իմանայ տարտամ, այլ վեհ մի հծծիւն.  
 Կալ անդանօր մըտախոհ մինչ յետին ժամ տըւընջեան,  
 Մինչեւ այն սահը վըսեմ խորհրդաւոր լըուութեան,  
 Երբ դաւլահար վերջալոյս նուրբ նուրբ թելեր արձակէ  
 Խոտոց վերայ որ յայնժամ թըւին վարդէ, լեւակէ:  
 Ո՛րչափ սիրեմ, ա՛հ յայնժամ մարդկան վերայ արասուել  
 Որ այս կենաց մէջ յուզին, տանջին այնչափ առաւել,  
 Որչափ հեռի ընթանան բընութենէն, մայր քաղցրիկ,  
 Որոյ ծոցին մէջ միայն կարենք լինել երջանիկ:  
 Ո՛րչափ սիրեմ մարդիկ հեղեղին հեա որ, թաքուն  
 Սողոսկելով, հրաւիրէ մենաւորին խաղաղ քուն.  
 Դէտակն ի թուփս եմակին, նորա շըջանն որսնել,  
 Մինչեւ այսպէս կորուսել իմ արեհետըն անել.  
 Կաւկառ բաղուկս յեց ոստին կամ մացառին փուչերուն,  
 Անդունդի մի եւ ժեռին մէջտեղ մնալ երերուն.  
 Շիջուտ աչեր ամբառնալ այդ վայրերըն թաքթաքուր  
 Յեթերս զտմըն խնդրել, վա՛հ, եւ դտնել զայնս իսկ թափուր:  
 Ո՛րչափ սիրեմ, երբ գիշերն մօտ է հասնել աստղափայլ,  
 Լսել բառաչ կովերուն որ տուն դառնան յամրաքայլ,  
 Բլրակին վրայ շըջեցնել խոր հայեացներ լուսավառ,  
 Ուր ամեն ինչ ինք խօսի թէ այս աշխարհ է խաւար,  
 Խաւար անհուն, ահուելի, ուր թշուառ մարդն է անկեր,  
 Տգիտութիւն, կուրութիւն առած անմուռնչ իւր ընկեր:

\* \* \*

Միայնութիւն, օթեւան այրած մաշած սրտերու,  
 Ուր մեծ խոհեր գան առ մեզ, երբ մարդկանէ ենք հեռու.  
 Քանինցս հոգւոյս թեւերով քո սրբափայրքն ելայ յայց,  
 Ի՛ամբընելով բուժեցիր իմ հէք սրտին բիւր խոցուած,  
 Երբ դիմեցի, հիւանդոտ, քո բըժըշկիչ զօրութեան,  
 Միայնութիւն, սպեղանի որ խորհողած ես դարման:

Քանինցս, իմ գլուխ յեց ի ծնօտ, ապառաժի մի առաջ,  
 Արտասուածութեամբ աչերով, արձակեցի բիւր հառաչ.  
 Եւ դիտեցի հրատոչոր հողին վերայ սորսորած  
 Թռչնոյն ըստուերն որ անցնէր եւ որ դառնար թեւաբաց,  
 Կամ փոթորկոտ ծովու մի ափանց վերայ կանգնելով,  
 Քանինցս ճակատս թացաւ ցօղ ուկիւնուն, զով ու հով.  
 Եւ շառաջմանց մէջ լըսեց հոգիս ողորմ՝ հեծիւններ,  
 Որոց ողբ մերթ դադարէր եւ մերթ անդրէն վերածնէր:  
 Անհուն սիրով սիրեցի, միայնութիւն, քո տաճար,  
 Եւ արբեցայ լիովին հրասլոյրներով քո անճառ:  
 Ոչ զի կամիմ մարդկանէ հեռու սալրիլ բընաւին,  
 Ոչ զի կամիմ չըտեսնել կենաց պայմանն անհնարին.  
 Պարտ է որ մարդըն սալրի, եւ մրցում պարտ է կենաց,  
 Եւ պարտ է որ աստանօր լինին խնծիղ, կոծ եւ լաց.  
 Պարտ է լինին հարուստներ եւ աղքատներ միասին.  
 Եւ ճոխութիւնք պարտ է որ մերկութեանց քով փայլելին.  
 Նօթեառնջ մարդն ընթանայ արիւնը տալ, որպէսզի  
 Մեծատունը լաւագոյն ագուի, շքուի եւ նազի:  
 Այլ նաեւ պարտ է լինին կարգ մը մարդիկ փութաջան,  
 Աշխատաւորք ժըրադլուխ, որդիք լըսոյ տըւընջեան,  
 Որոց գործ է միշտ յառաջ, յառաջ փութով ընթանալ,  
 Որ աստղերը չափելով, չափեն երկրի բովքն եւ սլ.  
 Պարտ է որ մի տարրալոյծ ոսկին զննէ ընդ երկար,  
 Եւ բնագէտի կամ այլոյ ուրուք զննող մեծ հանճար  
 Վաւէ հընոցն եւ քննէ. պարտ է նաւորդըն ժպիրհ  
 Ասպատակէ լոյծ տարրը. իմաստասէրն եւ դպիր  
 Խորհին քննեն որոճան, եւ ոմանք ալ թափառիկ  
 Առանձնութեանց մէջ երթան, տխուր մարդեր անոքիկ,  
 Քայլել լըւին, մըտախոհ եւ սիրա խոցեալ կարեւէր.  
 Մինչեւ մարդը, այժմ ոչխար, վաղիւ, առիւծ, կանգնի՛ վեր:

Ն Է

Անդ բազմած էր դալարեաց վրայ,  
 Մարդ եւ զեփիւռ առած ընկեր.  
 Վարդ եւ ծաղիկըն մարգարտեայ  
 Զնէ պատէին սիրահրաւէր.  
 Եւ ասէի. «Գեղեցիկ ես  
 Որպէս լուսինն հանդարտաճեմ,  
 Կամ բիւր ծաղկանց որպէս պարտէզ  
 Եւ կամ շուշան պարկեշտադէմ.  
 Անոյշ ես դու զերդ ծաղկանց հոյզ,  
 Զոր մեղուաց պարք թեթեւալանջ  
 Բուրաստանաց ծծեն ի բոյսս  
 Արեւուն տակ զեղածաճանջ:  
 Գեղեցկազմայլ են աչք քոյին  
 Որպէս լըճակք ականակիտք,  
 Եւ ի հայեացս քո հեշտադին  
 Ընկուղանին յաւէտ իմ միտք.  
 Կարապանման եւ զեղեցիկ  
 Է պարանոց քո նրբաճոյլ,  
 Եւ քո շուրջըն, աղնիւ աղջիկ,  
 Զմայլած թռչունք հիւ դան հոյլ հոյլ.  
 Այնչափ մաղերդ են զեղավարս,  
 Այնչափ ամբիժ է քո ճակատ,  
 Որ կարծեմ թէ յաւէրժահարս  
 Մի ես վրսեմ եւ սիրակաթ:

\* \* \*

Եւ նէ ժպտէր հեղտհամբոյր.  
 Մերթ աչքն յերկինս զնային ՚ի լիւզ,

Մերթ ի մարմանդըն խնկաբոյր  
 Յառէր բիրս լուսացնցուզ.  
 Ուշիմ, վրսեմ զըրոյցներով  
 Իմ ուխտերուն տար պատասխան,  
 Մինչ զեփիւռը, թեթեւ եւ զով,  
 Գգուէր մաղերն մեղմատատան:  
 Քանիցս երկար երկար ժամեր,  
 Այսպէս միմեանց քովը նստած,  
 Հեղուինք մեք ըզգորով մեր  
 Միմեանց սրտին մէջ սիրազգած:  
 Աչերս ուղղած իւր աչերուն,  
 Զերկին նոցա մէջ տեսնէի,  
 Եւ ձեռքս, դողդոջ եւ երերուն,  
 Սեղմէր զիւրն, հեղ եւ կաթոգի:  
 Անհուն անձկով նմա ասէի.  
 «Դիտէս զերկին սիրազարդիկ,  
 Երբ դու չըկաս մօտ իմ սրտի,  
 Անդ տեսնեմ զքո պատկեր փափկիկ:  
 Նայէ դալար սյդ խոտերուն.  
 Երբ հեռի եմ քեզնէ, քոյր իմ,  
 Մարդրիտ-ծաղկանց մէջ երերուն  
 Ժմտին ինձ աչք քո մըտերիմ:  
 Տես նռնենին ծաղկաթիթիթ.  
 Երբ բացակայ լինիս տունէն,  
 Այդ կարմրագեղ կոկոնք վըախ  
 Շրթունքդ ազու ինձ ներկայեն:  
 Լըսեմ սոխակն ազու նուագով.  
 Քեզնէ հեռի, տրամազգեցիկ,  
 Նորա երգոց մէջ, ի գորով,  
 Լըսեմ ըզձայն քո զեղեցիկ:

ԻՄ ԱՐՇԱՒԱՆՔԸ

Անհանգիստ հոգիս ըզքեզ որոնէ :  
 Եթէ մութ սլաստառ ծածկեր է զերկին ,  
 Կամ լուսով լցուն աշխարհն արթուն է ,  
 Ա՛հ , ըզքեզ խնդրեն աչք իմ տրտմագին :

Երբ ամալք լուսազանգ , երեկոյին զարդ ,  
 Յուշիկ քայլ առնուն դէս յերկինս օտար ,  
 Նոցա թեւերուն վրայ գեղազուարթ  
 Եւ ես սաւառնիմ քեզ դալու համար :

Երբեմն ի գարնան դիտեմ ի վերուստ  
 Կիներ , կառք , աղջկունք , բազմախումբ մարդիկ ,  
 Փայլ փայլ մարգարիտ , ալանք բեհեզ , բուստ .  
 Ականջըս հասնին խուռն երգեր մեղմիկ :

Մարմանդաց վերայ կամ ի խորս հովտաց ,  
 Տեսնեմ ըզնոսա որ շրջին , խայտան ,  
 Եւ կամ անձկանօք , զերդ մայր դրկաբաց  
 Որ , դորովակէզ , սպասէ իւր մանկան :

Յաճախ քայլերովս չափեմ մի ուղի  
 Ուր միասին գնացինք երբեմն թեւ ի թեւ .  
 Մէն մի քար , մէն տուն յուչ առնեն ինծի  
 Այն անցեալ օրերը սակաւատեւ :

Իսկ երբեմն կարծեմ թէ զքեզ տարեր են  
 Հեռուոր յափուենս , յաշխարհ տարակայ .  
 Ո՞վ սթամէ յայնժամ , ծովէն , լեռներէն  
 Ո՞րպէս շուտ անցնէ հոգիս որ քեզ գայ :

Իբր արագ արծիւ մի որ կորուսեց  
 Զիւր կէս սիրական ընդ ամսս սեւամած ,  
 Այնպէս փոթորկոտ միտք իմ ամսահերձ ,  
 Պատուելով զմիջոց , անցնեն թեւաբաց :

Օտար աստղերու տաք թափառայած ,  
 Կանգ առնում անդ ուր մարդիկ բընակին ,  
 Եւ յայն անհամար ամբոխս սեւեռած ,  
 Աչք իմ զքեզ խնդրեն , զքեզ կարօտագին :

Գիշերով յորժամ անցնիմ անհանգիստ ,  
 Ծառերուն վերայ երբ հողմը դողայ ,  
 Յայն անծանօթ վայրս հսկեմ լրուանիստ ,  
 Անհուն անձկութեանց մէջ սիրտ իմ լողայ :

Թէ անկնիմ յափուենս սառնապատ , նըսեմ ,  
 Ուր աղօտ է լոյս եւ վայրքն ամայի ,  
 Զիւնէ լեռներուն ես ըզքեզ հարցնեմ .

Այլ նոքա , ցո՛ւրտ , ցո՛ւրտ , կան լուռ ւ՛ահուելի :  
 Միայնութեանց մէջ , ձեռն ի ծնօտ յեցած ,  
 Հայիմ իմ շուրջը աչօք նըւաղկոտ .

Անցնող թռչնոյն ալ , որ գնաց թեւաբաց ,  
 Զքեզ հարցնեմ . աւա՛ղ , սլանայ վաղվաղկոտ :

Աւերակաց մէջ , ուր բուն շինէ բոյն ,  
 Երբեմն կանգուն , ողբամ դառնագին ,  
 Բանդի չըգիտեմ թէ կէսն իմ հոգւոյն  
 Ո՞ւր մընացեր է : Վայ իմ մութ բաղդին :

1878, Սեպտեմբեր.

ՄԱՅՐ ԻՄ, ՄԱՅՐ ԻՄ

Աստ անդ ցրուած վէմերուն մէջ ընտրեցիր ,  
 Մայր իմ , հանգիստդ , աւա՛ղ , յուշերդ ցան եւ ցիր ,  
 Մերթ յարթնութեան եւ մերթ յանուրջըս քընոյ  
 Գան թեւածել զլիսոյս վերեւ մըտախոհ ,

Որպէս օտար վայրեր դնացող թռչուններ ,  
 Վարանական , խնդրեն իւրեանց դաշտն ու լեռ :  
 Երբ լուսնակին արծաթեայ ջինջ նըշոյլքը  
 Կամ հողմախիլ ծաղկանց թերթից բիւր հոյլքը  
 Երբեմն դան քո շիրիմը պատել շուրջ ,  
 Կամ երբ շնչեն մօտերն հողմունք սաստկաշունչ ,  
 Ասա՛ , ըստուերդ ի՞նչ կը խորհի սիրական  
 Կամ միտք քոյին գմեղ որոնել ս՛հ երթան :  
 Հեզ ուռենին շիրմիդ մօտերը կքէ  
 Իւր սաղարթներն շարժուն մեղմիկ ի սիւքէ ,  
 Եւ շատ անգամ ցողաթուրմիկ տերեւք իւր  
 Դալար հողոյդ սրսկեն կաթիլ զովառախիւս :  
 Ձե՛ս ըզգար դու յայնժամ տարերք թէ համայն  
 Քո որդւոց հետ ըզմահ քո լան եւ ողբան :  
 Ա՛հ , թէ գամ մի կարենայիր վերցունել  
 Գլուխըդ փոսին եզրերէն դուրս եւ հայել  
 Բոլորաիքդ , գխա՛ն թէ ի՞նչ տեսնէիր .  
 Ձորդիս քոյին որ դքեզ խնդրեն առաւիր ,  
 Ձորդիս քոյին , որոց քայլեր թափառիկ  
 Յաճախ տանին գնոսա շիրմին քո մօտիկ .  
 Քանզի կարծես բան մի պակսի մեր կենաց  
 Երբ չունինք դքեզ , մայր իմ անոյշ սիրազգեաց ,  
 Եւ զի յոյսերն զոր տածէինք մեր համար  
 Ա՛հ , ցնդեցան զերդ լոյս ամպեր հողմավար :

\* \* \*

Մարդոց ձեռքէն յուսակըտուր  
 Դարէ ի դար վայրայած ,  
 Ահա ես գամ քեզնէ խնդրել  
 Աչացըդ մի հայեցուած :  
 Ձարթիր , խնդրեմ , որպէս , յաճախ

Հապճեպելով զարթնուիր  
 Գրկել զորդիդ որ ձայնէր քեզ  
 Անհուն սիրով բերկրաւիր :  
 Աղաչեմ քեզ , գթա , մայր իմ ,  
 Դամ մի ելիր այդ հողէն  
 Եւ վայրիկ մի ժըպիտք քոյին  
 Հիւժեալ սիրաբա ըստօրին :  
 Ձարթիր , նեկտար . այս անունով  
 Գողարիկ ըզքեզ երբ կոչեմ ,  
 Թերեւս լըսէ հոգիդ նըւաղ  
 Եւ դու կանգնիս սիրաճեմ :  
 Ի՞նչ վընաս կայ , երկինք կամ վիհ ,  
 Թէ մի վայրկեան ինձ ներէք  
 Որ թեւերովս կարօտագին  
 Գրկեմ զիմ մայր , որդիս հէք :  
 Կենսածաւալ դու արեգակ ,  
 Մի շողք , խնդրեմ , արծակէ  
 Այդ նոճերուն մէջէն ի վայր ,  
 Ուր կան շիրիմք մարմարէ :  
 Նորա ծանրը քընոյն մէջ  
 Թող շըլանան իւր բիրեր  
 Քո ճաճանչէն ակնախըտիդ ,  
 Եւ նէ կանգնի անվեհեր :  
 Ձեռքէս բռնած , մայր իմ սիրուն ,  
 Քայլես վերայ մարմանդաց  
 Եւ պատմես ինձ թէ ի՞նչ տեսար  
 Հողուն ներքեւ ցրտազգեաց .  
 Թէ ի՞նչ մութ է քարին ներքեւ ,  
 Եւ թէ սրչափ քաղցր է լոյս ,  
 Երբ մեռեալ մի յառնէ կանգուն  
 Գերեզմանէն իւր անյոյս :

Եւ այն կղզւոյն գագաթն էլնենք,  
 Ուստի օր մի նայեցանք  
 Մեր բողոքաբե, եւ լեռ, ծով, շէնք  
 Ժպտով էին լի բընաւք:  
 Շատ երջանիկ էիր այն օր,  
 Մայր իմ, ահ շատ երջանիկ,  
 Եւ բաց աստի սիւք, շող, բոյրեր  
 Տային քեզ բիւր համբուրիկ:  
 Երկրին անարդ անձկութենէն  
 Գողցես այն օր ճողոպրած,  
 Եթերային նահանգաց մէջ  
 Շնչէիր օդ սիրամած:  
 Եւ անձկութիւնք, հողք աշխարհի  
 Թողին ըզքեզ մի վայրկեան,  
 Եւ երկնային ժըսլիտ մ'աղւոր  
 Յողաց ճակտուդ սիրական:  
 Ուրեմն մարդիկ օր մ'ունին մեծ,  
 Մի եւ եթ օր որ փայլի,  
 Որպէս սեաւ սեաւ գիշերաց մէջ  
 Մի լոյս աստըզ փարելի:  
 Ահ, այն բլրոյն գագաթին վրայ  
 Որ այնչափ մօտ էր երկնի,  
 Եւ ուր ամեն բան լըռած էր,  
 Որպէս սիրտք մեր սիրալի,  
 Ուր մեր գլխոյն վերեւ մօտէն  
 Անցնէր դառնար ծանրաթիւ  
 Թռչնիկն անգամ որ մեզ հայէր  
 Գողցես իմն սիրալիր.  
 Իբրեւ թէ մեզ ազդ առնելու  
 Թէ երկնից շատ մօտ էինք  
 Եւ թէ անհուն գաղտնեացն առաջ

Պարտ էր որ մեք լըռէինք.  
 Քանի մի քայլ հեռի հողմէն  
 Մեղմիւ շարժէր երկցուկ,  
 Եւ կարծես թէ բարեւէին  
 Ըզմեզ իւր հեզ տատանմունք:  
 Զեռներդ առած ձեռներուս մէջ,  
 Իմ տանջանքներ սլատմեմ քեզ  
 Եւ այն աղէտք եւ տառապանք  
 Որ զարկին սիրտս աղէկէզ:  
 Պատմեմ քեզ զիմ անուրջս հազար,  
 Որոց մէջ դու, կենդանի,  
 Ժպտէիր ինձ սիրողաբար,  
 Ի՛ երկին բացուէր գեղանի:  
 Եւ թէ ինչ ցաւ, քո մահին պէս,  
 Պիտի լընուր զիմ հողի,  
 Եւ սրբան տար ինձ անձկութիւնք  
 Մի սուրբ հրեշտակ կաթոգլի.  
 Հրեշտակ մի մայր հեղահամբոյր,  
 Գեղահասակ, փարելի,  
 Որ վարդ ձօնէ ինձ քաղցրարոյր  
 Եւ գնայ արագ անհետի:  
 Եւ նէ թողու զիս, մայր, աւանդ,  
 Ո՛րչափ թշուառ է որդիդ.  
 Նըմա դառնան փուշ սըրածայր  
 Ամեն վարդեր գեղափթիթ:

391  
39

\* \* \*

Քանզի դու երբեք, ահ, չըդադրեցար  
 Ըզմեզ սիրելէ, գողտր եւ հոգատար,  
 Եւ միշտ խորհէիր թէ ինչ միջոցով  
 Կարէիր յայտնել քո խանդն եւ գորով.

Քանզի քո կենաց մէն մի սուղ վայրկեան  
Քո որդւոց համար անցաւ յանձկութեան .  
Քանզի ես յաճախ քո ծնգաց վերայ  
Անոյշ եւ շոյող մի բարձ ունեցայ ,  
Որոյ վերայ , հեզ , դընէի զիմ գլուխ ,  
Եւ խորհուրդք սիրոյ , վեհ եւ սրտարուխ ,  
Քո սուրբ աչերէն ի յիս անկնէին ,  
Որպէս ցողք այգուն ի տերեւս դրախտին .  
Քանզի քո ջանքերն երբեք չը զլացար  
Քո զաւակներուն բարեացը համար ,  
Եւ զի տրտում էր քո պայծառ ճակատ ,  
Երբ տեսնէիր զայնս եղուկ եւ վհատ .  
Մայր , առաւօտ մի արեգով փայլուն ,  
Երբ երկրէն յերկինս բընաւք են սիրուն ,  
Երբ վարդ ցողաթուրմ ծաղի օրուան հետ ,  
Եւ ծովը շողայ իւր դրանց մէջ նամէտ .  
Երբ արփուոյն նոր նոր շեռայլք կենասփիւռ  
Փայլիկին ի սաղարթս զոր գգուէ զեփիւռ .  
Եւ անդնդոց մէջ հողմերն ալ դադրին  
Լըսել զբընութեան մեղեդիս հեշտին .  
Կանուխ պիտ' ելնեմ մեր տունէն արտաքս ,  
Կայտառ եւ լըռին եւ ի քայլս արագս .  
Չը պիտի նայիմ իմ շուրջն ինչ անցնէ ,  
Թէ մարդիկ ելած են թմրութենէ .  
Չը պիտի դիտեմ փողոցներուն մէջ  
Եւ ոչ ի լերանց , հովտաց ելեւէջ .  
Չը պիտի սպասեմ թէ արդեօք մի կոյս  
Գոյ՛ դրան մի առաջ , հեզ եւ սիրայոյզ ,  
Քաղել զեփիւռին համբոյրն անուշիկ  
Կամ գրկել սիրով ճաճանջներ գողտրիկ .  
Անտարբեր երգոց զոր վաղայարոյց  
Մըշակն հծծելով երթայ իւր սպասուց ,

Պիտ' երթամ արագ , աչերս սեւեռած  
Գետնի քարերուն ջիր եւ ցան ցցուած .  
Չը պիտի քաղեմ ծաղիկներ անոյշ  
Որք ոտներուս տակ ցոյց տան հազար յուշ ,  
Եւ ոչ պիտ' երթամ խուզարկել փութով  
Մարդոց տառապանք , սէր , յոյս եւ գորով .  
Եւ թէ արիւնոուշտ դաշտերու վերայ ,  
Յորս մառախլաց հետ ուռմբ , շանթ , նետ տեղայ ,  
Քանիներ անկնին մեռեալ , վիրաւոր ,  
Թողլով ընտանիք մ' սմբողջ սրգաւոր ,  
Եւ թէ աղքատին տըխուր հիւզին մէջ  
Ինչ առնէ խեղճը ի հոգս անընդմէջ .  
Թէ արդեօք երկինք լուսայեղց , պայծառ ,  
Ծով , դաշտ , ձոր , հովիտ , դալարիք եւ ծառ  
Ինչ անասելի յուզմամբ լընուն զսիրտ  
Ձոյգ սիրահարաց , հոգիքն ի խըլիրտ .  
Կամ անձկակարօտ սիրտն ի զարկս ուժգին ,  
Որպէս տանջին միտք անբաղք սիրողին .  
Չը պիտի խուզեմ մեծատանց պալատ ,  
Ուր լոյս եւ դաշնակ , ծածկոցք թաւշապատ  
Մի երկրաւոր դրախտ յօրինեն շքեղ ,  
Ուր երջանիկ մարդն ապրի սիրազեղ .  
Չը պիտի լըսեմ խոխոջն առուակին  
Եւ ոչ հեղեղի մ' անկումն ահագին ,  
Փախըստեայ շունչը հեւ ի հեւ հողմոց ,  
Որք հոսին յահեղ դաշնականս եւ կոծ ,  
Սօսափիւն մայրեաց մեծ , դալարախիտ ,  
Բնութեան այն վըսեմ բիւր ու բիւր ժըպիտ ,  
Յորոց զուրկ մընայ հէք մի բանտարկեալ ,  
Մարդոց մէջտեղէն մերժեալ եւ լքեալ .  
Նորա սեաւ հառաչքն ալ թող չըհասնեն  
Մինչեւ յիս , զի , լուռ , աչք իմ արտասուեն .

Զը պիտի խորհիմ թէ այդ մեծ թշուառ  
 Ի՛նչ կարէ խորհիլ, միայն, ապիկար,  
 Կամ թէ խոնաւուտ մի մըթութեան հետ  
 Ի՛նչ կերպով վարուի չըւառն անհեթեթ.  
 Ուղիղ ի շիրիմ քո պիտի երթամ  
 Եւ ձեռն ի ծնօտի, մայր իմ, պիտի լամ:

1877, Դեկտեմբեր.

Մ Ի Ա Յ Ն Դ ՈՒ Ի

... She was his life,  
 The ocean to the river of his thoughts,  
 Which terminated all.

BYRON.

Գնացի շրջել ամբան աղուոր արեգակով  
 Հեզիկ ամանց վերայ, ուր գոգ մի հըրաչքով  
 Երկինք ի վայր էին խլած, պայծառ, փայլուն.  
 Անոյչ էին խոտոց բուրմունք, ջուրք պաղպաղուն:  
 Երկնամերձիկ բարձրանային վեհ կաղամախք,  
 Դալարագեղ մարմանդք, աղբերք, բըլուրք եւ վախք:  
 Շուրջ ամեն բան ժպտէր, խաղայր եւ էր զըւարթ,  
 Ամենքին պայծառ, վըսեմ եւ լուսազարդ:  
 Խուռներամ դասք ձերմակազգեստ օրիորդաց  
 Ճեմ առնուին ջուրց եզերքը դանդաղընթաց:  
 Յածէին աչքս մեկամաղձոտ այդ անտըխուր  
 Տեսարանաց վերայ, յամառ եւ յուսակտուր:

\* \* \*

Գիշերն եկաւ, գիշեր պայծառ, աստեղասփիռ.  
 Տանց մէջտեղէն նուագս արձակէր ի վեր բամբիռ:

Կուսնի լուսով ոտիցս ներքեւ հողն փայլիւրէր.  
 Եւ դիտեցի. նազելաճեմ ամբոխն հոն էր:  
 Շընորհասարտ հոգիքն անձկաւ վերցունէին  
 Կուսապաղպաղ աչկունքն ի վեր դէպ ի յերկին,  
 Գոհանալու զբարութենէ մեծ Աստուծոյն  
 Որ կեանք ու սէր ցանէր յաշխարհ եւ բերկրութիւն:  
 Բիչ հեռիէն երգեհոնին լուէր հեծիւն,  
 Ում հետեւէր աղջկանց պարերդ մի դողդոջուն.  
 Նըւաղ, անզօր, բայց հոգեկան մի դաշնականք  
 Զոր անըրջոց մէջ լըսենք մեք եւ դողդողանք:  
 Եւ շրջի ուրուի նրման, աչերս նամէտ  
 Սրբէի ես, զի դառնային արտօսրաւէտ:

\* \* \*

Առ' Լօտ եղաւ. վարդածիր այդ մի զարդարէր  
 Հորիզոնին եզերքն ու գողտըր բըլուրներ,  
 Որոց ոտին տակ տարածուէր ծովափն հեզիկ  
 Ուռիներով արտօսրաբուխ, կորագլխիկ:  
 Նորազարթոյց երգէին յոստա անոյչ թուշունք.  
 Դաշնակութիւն անպատմելի, երգ տրտմասուգ,  
 Որ ցերեկին ցաւոց վերայ ողբ մ'է կարծեմ,  
 Ողբ մի զոր հաւք, թէպէտ բնաւին տըզէտ ու նսեմ,  
 Մարդկան ազգին վերայ կարգան առաւօտուց.  
 (Զի ի՛նչ են կեանք, բայց մի տանջանք տարասլարտուց,  
 Յոր մարկութեան մի մեծ մասըն անկած, թշուառ,  
 Մի չարադէպ ձեռին ներքեւ բազմաչարչար,  
 Ալեկոծի, զգայուի, շրջի ի վայր ի վեր,  
 Սրտերն այրած եւ հոգիներըն կարեվէր:  
 Կարի չըւառ եւ ողբալի մահացուք հէք,  
 Լայն տիեզերքի մ'առաջ կանգուն եւ յուսարեկ.  
 Լըւին, անմուռնչ հօտ բանաւոր էակներու,

Որ տանջըւին եւ հային դէմքըն իրարու .  
 Կոյր մի բանակ զօրեղ, ահեղ առիւծուց սէգ,  
 Զորս կեղեքեն գոռեխք մըթին եւ անարժէք,  
 Եւ որք անլոյս աչերն արեամբ հեղձամիճուկ  
 Դարձունեն վեր յերկինս անխօս եւ անըլուկ . . . :)

Ես չըջէի ամանց վերայ, միշտ տրտմալից,  
 Ակնապիչ անդ ի կարմիր դուռն արեւելից .  
 Իմ շուրջ գնային, ըզգընային մեղմախօսիկ  
 Դեռահասակ գեղեցիկուհեաց սարք նաղելիք .  
 Թերեւս իւրեանց խօսքերուն նիւթն էի եղեր,  
 Եւ իմ վերայ փափրսային մեծ զարմանքներ .  
 Չէի լըսեր զնոսա . եւ ձայն նոցա չէր դար  
 Լընուլ իմ միտքն ուշով . այլուր իմ հոգին կար . . . :


\* \* \*

Այո, Հէփտիւր, աղբիւր կենացս, ծաղիկ սրտիս,  
 Քոյր դու եւ հարսն հոգւոյս, արեգ իմ աշխարհիս .  
 Աղուոր հրեշտակ լուսապայծառ զոր կորուսի  
 Եւ խաւարին բանտ մի դարձաւ ինձ ծոց երկրի .  
 Աստեղանման լոյս աչքերով կոյս աննրման,  
 Ոյր նայուածոց անդունդին մէջ միտքս ընկլուզան .  
 Այո, հեռի քեզնէ, տարտամ եւ անհաստատ,  
 Մի անհատնում ոչնչի մէջ սալրիմ, ազգատ .  
 Աւանց լուսոյ քո աչերուն չը դիտեմ ուր  
 Գընամ անյոյս, թափառայած, մըթին, արխուր .  
 Տիեզերաց ըզմայլազեղ հրձուանք անհուն,  
 Ամեն ինչ որ սիրտիէ ցաւերն անբաղդ մարդոյն,  
 Այգ, վերջալոյս, երգեր, այս բնաւք զոր դու դիտես  
 Թէ ինչ խանդով քեզնէ յետոյ սիրեցի ես .  
 Աւաղ, այս բնաւք անցնեն աչացըս առաջն,  
 Ի՛ անկարեկիր մընայ հոգին իմ ի ծըւէն :

Ոչինչ, ոչինչ կարէ լընուլ այն լայն պարսապ .  
 Որ բացուեցաւ խեղճ սրտիս մէջ վշտատառապ .  
 Պատառ պատառ եղած է այն, ո՛վ Հէփտիւրէ,  
 Եւ մեծազոյն մասն առնըլով թըւար ինձնէ :  
 Տես, անողորմ, ինչ աւերներ արարիր դու  
 Կենացս ուղւոյն վերայ, երաշտ եւ ահարկու :  
 Բաճրաթըւիչ արծուի նրման միտք իմ սահէր  
 Վերջալուսոյն նըւաղ շողից մէջ լուսահեր,  
 Երբ արեգակն աշխարհի տար ողջոյն յետին .  
 Այժմ երկրաքարչ անկնին խոհերս վայրավատին :  
 Եթէ այգ էր, ի լուր երգոց տրտմող հաւուն,  
 Նըուլաճեմ մի պատկերի մէջ շողշողուն  
 Տեսնէի զկեանս եւ զայս աշխարհ մեծ, այլ ունայն,  
 Հոն դիտելով մարդոց փրկիչ վեհ սալազայն .  
 Այժմ սպիկար եւ անտարբեր, ոչինչ դիտեմ,  
 Եւ այն լոյսեր, այն նըլոյններ զըւարթադէմ,  
 Որ վերամբարձ տանէին զիս մինչեւ անհունն,  
 Այժմ տխեղճ բան մի դարձեր են անանուն :  
 Թէ տեսնէի անամպ, աղուոր մի երկնի տակ,  
 Մարդկան ամբոյս դիմել ի կռիւ արիւնազանդ,  
 Քեւ զօրացած, կայծակ լինէր հողիս ցասկոտ,  
 Վառել տըկար, արգէտ մարդիկն անսիրտ, երկջոտ,  
 Որ կուրացեր են բռնութեամբ եւ չեն տեսներ  
 Թէ իւրեանց տեարք իւրեանց պէս են եւեթ մարդեր .  
 Այժմ սպառում, դիտեմ զգոսա շիջուտ աչօք,  
 Պարզ այն երկնի չափ անվրդով, մեկին, անհող :  
 Կամ երբ խուսի մի արարածներ տեսնէի ես,  
 Խեղճ, անարժան, բայց որք սիրեն փառաց հանդէս  
 Եւ որք առ այն ամեն միջոց լաւ համարին,  
 Ներէի ես նոցա, գըթած եւ ժմտագին .  
 Այլ արդ ժանտախտ թըւին նոքա իմ աչերուն,  
 Եւ փափազիմ որ շանթ պայթի նոցա գլխուն :

Այսպէս կըթոտ եւ ուժաթափ ոք եղած եմ.  
 Մի աւերակ դարձաւ աշխարհ ուր գեղջ խնդրեմ:  
 Ա՛հ, թափուր է այս սիրտ թշուառ եւ եղկելի,  
 Եւ չկայ մի բան որ նորա չափ լըցուն լինի:  
 Ամեն բան լուռ մընաց իմ շուրջն եւ անբարբառ.  
 Խորտակեցան ամեն թեւեր կրծիս չըւառ.  
 Եւ ես, նրման մի մոլորեալ ուղեւորի,  
 Զոր շուրջ սրտեն խորին վիհեր, ժեռք վիթխարի,  
 Անոք, վըհատ, մութ գիշերին սպասեմ անձկաւ  
 Թաղուել ի նմա եւ մոռանալ զիս եւ ըզրնաւ:

1878, Oqmusnu.



Ջ Ա Ն Գ Ա Կ Ը



Թ՛ամ, թ՛ամ. ձայնէ ահա գիւղին մեր զանգակ.  
 Ունկըն դընենք, դեռ չէ ծագած արեգակ:  
 Ո՛րպէս նըւաղ հասնէ առ մեզ սյդ գանդիւն.  
 Գողցես մութին մէջ բարձրացած եւ կանդուն  
 Գըթած էակ մ'է, ոյր թառանջը հողեխոռով  
 Ալեծածան թրթռան ընդ օդս անվրդով:  
 Թ՛ամ, թ՛ամ, ահեղ, այլ յուսալից է այս ժամ.  
 Մօտ է լոյսը թագաւորել, եւ յայնժամ  
 Պիտի զարթնուն մարդիկ զըւարթ, կենսալից,  
 Պիտի շողայ երկնի ճակատըն ամբիծ.  
 Առատաբուխ աստ անդ գետեր մարդկեղէն  
 Պիտի յուզին եւ ճանապարհքն ըսքողեն.  
 Աղբկալից պիտի հոսէ կեանք ի դուրս,  
 Ճոխ արիւնոյն տաք փայլին եթերք գեղալոյս:  
 Թ՛ամ, թ՛ամ. «Օրհնեալ լինի անուն քո, ո՛վ Տէր,

Մրմընջէ աստ ալեղարդ ոմն աղօթիկեր.  
 Օրհնեալ, ոյր ձեռն անեղ, հըզօր յօրինեց  
 Տիեղերքը այսչափ աղուոր, այսչափ մեծ:  
 Տէր, ապրեցուր զիս եւ մահէն պահպանէ:  
 Զի որչափ մարդ առ դուրս կենաց ժամանէ,  
 Այնչափ յարի նրմա, զի թինդ զանգակին  
 Յիւեցունէ նրմա օրերն այն անգին  
 Ուր, դեռ մանուկ, փայլէր կենաց առաւօտ,  
 Եւ անցնէին աւուրք զըւարթ, անաղօտ.  
 Ուր, ծաղկանց մէջ թեթեւաքայլ, վառվրոռն,  
 Հալածէր նա թիթեռնիկներ շողջողուն,  
 Այսք հըրացայտ, ճիշ բառնալով, սիրտ ի տրոփ,  
 Ճաճանչաւուխտ երկնի ներքեւ անամպրոպ.  
 Մինչեւ այն ժամ երբ աղօթից զանգակներ  
 Կոչէին զնա յԱստուծոյ տուն սրբանուէր,  
 Տաճար նըսեմ եւ անշըշունջ, ուր երէցն  
 Երեկոյեան մաղթանքն ասէր տրտմահեծ:  
 Թ՛ամ, թ՛ամ. որչափ յիշատակներ զարթնուն արդ,  
 Զերդ հոյլ ի հոյլ երամք թռչնոց սիրազուարթ:  
 Մէն մի գանգիւն սրտին խօսի. մէն մի թինդ  
 Անդրադարձնէ հողւոյն մի ցաւ կամ մի խինդ.  
 Եւ ասէ մարդ. «Ա՛հ, այս ժամուն էր ահա  
 Որ առաջին անգամ իմ սէրն ես տեսայ:  
 Ո՛րչափ փոխուած է արդ, աւաղ, ժամանակ.  
 Ծիլ ծիլ փթթած վարդերու մէջ գեղունակ  
 Սիրալըսակ ճակատս յայնժամ ծիծաղէր.  
 Կենաց ծովըն իմ շուրջն հանդարտ, խաղաղ էր,  
 Եւ ես, անքոյթ, վարէի օն, զիմ նաւակ,  
 Լուսափետուր ալեակներու նըշաւակ.  
 Եւ մեղմածուփ երբ ջուրց վերայ սիւք հոսէր,  
 Գանէի զիս յափին մարմանդն հողմասէր,  
 Որ կրկնըէր ալեաց խորը եւ գլխոյս

Ածէր անոյշ մի հովանի մեղմայոյզ :  
 Այս պահուն էր որ սիրելին իմ տարան  
 Յանձնել հողին, ուր կայ այժմ իւր մենարան :  
 Աստղերը լան նորա վերայ գիշերը,  
 Եւ չորցունեն նոցա արցունք հողմերը :  
 Ո՛րպէս ծանրը ծանրը հնչէր մահաչառակ  
 Թինդ գանգակին, հեծկլտանայ երբ աղմուկ,  
 Հեղձամղձուկ մեր կուրծերէն թռչելով,  
 Թնդացունէր այերքն անդորր, անխըռով :  
 Երկայն ամեր անցան վերայ այն օրուան,  
 Փոփոխեցին յաճախ աստղերն իջեւան :  
 Երկայն ամառ, տօթ արեգով շողշողուն,  
 Եւ ալեղարդ ձըմեռ, դարուն ըզմայլուն  
 Քանիցս եկան եւ մեր հովիտ ծածկեցին :  
 Քանիցս արփին փոխեց իւր ուհ երկնային,  
 Եւ տակաւին ջնջուած չէ այդ յիշատակ :  
 Եւ երբ լըսեմ այդ ընդարձակ երկնի տակ  
 Մի միայն թինդն այդ ողբերգու սըղընձին,  
 Նորէն լեցուն աչերս որ այնքան լացին :  
 Սե՛ւ նոճիներ, եւ դու կապոյտ հողեյոյզ,  
 Խորին, խորին երկին, ամպեր մեղմալոյս  
 Ձոր առկախեն պատկերներով քըմածին  
 Հողմեր վերայ լոյս եթերաց կամարին :  
 Լըճակին ջուրք, եւ առուակին ալեակներ,  
 Ոյց մըմունջին առաջ դողայ հողի մեր :  
 Թեթեւ թռչունք, որ առաւօտըն ոգէք  
 Եւ որ ողբաք, կարծեմ, մարդոյն պայման հէք :  
 Ո՛հ, ասացէք, երբ հնչէ ձայն գանգակին  
 Եւ ազդ առնէ փախուստն աւուրց թանկագին,  
 Երբ թրթռայ այդ սըղինձ զոր մարդն է կախեր,  
 Մի ընդարձակ սիրտ եղած, չէք բաբախեր :

ՀԱՅՐԵ ԵՒ ՈՐԴԻՆ

Մանուկն ասէր ծընողին .  
 «Ահա մարին ստուերք լեռին .  
 Բարձրացաւ վեր արեգակ :  
 Ընդէ՛ր տրտում ես, հայրիկ .  
 Ձե՛ս լըսեր դու զձայն քաղցրիկ  
 Ձոր տան սարեակ և՛ ասպունճակ :  
 Ընդէ՛ր ժըպիտ չեմ տեսներ  
 Շուրթերուդ վրայ, եւ ոչ սէր  
 Փայլի մէջ քո աչերուն :  
 Պայծառացաւ մեր աշխարհ,  
 Եւ զարդերով վառ ի վառ  
 Ահա պճնեալ է բնութիւն :  
 Բիւր երգերու հասաւ ժամ,  
 Եւ բիւր թեւեր լուսածամ  
 Վառին, շողան ակնախտիդ .  
 Մեղուն բզզայ, ծըծէ հոյզ,  
 Մշակն արտին ցանէ յոյս,  
 Քարչէ մըջիւնն սլ իւր շիղ :  
 Ճերմակ ագնին մեր ծառեր .  
 Աստուած արփին է վառեր  
 Եւ իւր ջահեր՝ մեր երկիր .  
 Հարսանիք են տիեզերքին .  
 Այս ընդհանուր հիմնին  
 Հայրիկ, դու չե՛ս կարեկիր :  
 Վերը ձայներ չե՛ս լըսեր .  
 Թռչնիկն է որ երգէ սէր  
 Բարձրը, բարձրը երկնի մէջ .  
 Եւ հողմայոյզ մարդ, մարմանդ ,

Որ ծածկեն զայդ դարեւանդ,  
 Հեզ ծով, առնեն ելեւէջ:  
 Թեթեւ ամպերը դիտեմ,  
 Որ հատանեն մեղմածեմ  
 Կապոյտն երկնի լուսասիւրբ.  
 Մինչ մազերուս մէջ փափկիկ,  
 Զոր չես գգուեր ալ, հայրիկ,  
 Խաղայ մանուկըն զեփիւռ:  
 Հեռուն լքեմ մէջ հովտին  
 Նըւաղ ճիչեր զոր մանկտին  
 Բառնայ, թեթեւ պարելով.  
 Նոցա ճակատ քրտնաթոր,  
 Զոր ծածկեն ձորն եւ ծործոր,  
 Փայփայել դայ անոյշ հով:  
 Եւ ակընդէտ կան ի վեր,  
 Եւ այլ եւս չեն կաքաւեր  
 Ըզմայլանաց տալ յագուրդ.  
 Զի մանկական սրտերուն  
 Անգամ տարտամ, երերուն  
 Խօսի բնութեան այդ խորհուրդ:  
 Սեւ սեւ հոգեր քո ճակատ  
 Է՞ր մըթագնեն սիրակաթ,  
 Հայր իմ, ո՞վ հայր սիրելի.  
 Որպէս սովոր ես, ընդէ՞ր  
 Քո հէք որդին չես գրկեր  
 Բազուկներովդ փարելի:  
 Ընդէ՞ր տըխուր ես, հայր իմ.  
 Եւ քո աչեր մըտերիմ  
 Ընդէ՞ր յինէն դարձունես:  
 Միթէ չըզգաս անսահման  
 Զեղումն այս վեհ խնդութեան.  
 Միթէ չըզգաս դու ինձ պէս:

Ընդէ՞ր տըխուր ես. պարտէ՞դ  
 Իջաւ մայր իմ, ահա տես,  
 Քաղել յասմիկ, մանիչակ.  
 Ոստոց ետին է պահուեր,  
 Եւ կարդայ ինձ հըրաւէր  
 Ներա բարբառն անուշակ:  
 Ընդէ՞ր տըխուր ես, հայր իմ.  
 Ամենքն ուրախ են, հրճուին  
 Երկինք, երկիր, ծով, եմակ.  
 Ծիծաղ ի շուրթ բնութիւն  
 Խայտայ զերդ նոր հարս ժպտուն:  
 — Եւ թշուառները, որդեակ:

1882, Մւրս 46.

Ո Ր Բ Ե Ր Ը

Անժառանգներն են տարաբաղդ եւ լքեալ,  
 Անխրրախճան, տրտում, խոկուն, սիրտք բեկեալ,  
 Եւ անապատ աշխարհի մէջ տխրագին  
 Նոքա թափառին:  
 Ո՞վ պիտի տայ նոցա հացը. տէր չունին.  
 Եւ գիչերը, վաստակաբեկ իւր մարմին  
 Աստղերուն տակ հանգչեցունէ այդ մանուկ  
 Անխօս, անշըշուկ:  
 Ի՞նչ արար նա ցերեկն. անգութ ցուրտին դէմ,  
 Որ փոքր ինչ եւս՝ եւ մատներով իւր դժխեմ  
 Սառեցունէր նորա ուղեղն ազազուն,  
 Մուրաց երերուն:

Տեսանք ըզնա սալարիկին վրայ. բոկոտն էր.  
Կապոյտ, կարմիր եղած էին մերկ սոտներ.  
Եւ ծիծաղէր, քրքիջ բառնար կսկիծէն.

Յաւք կան որ մեծ են.

Մեծ ցաւեր կան, այո, ուր մարդ մոռանայ  
Հալու կերպը. կամ եթէ ոչ, խնդար նա.  
Քանզի լըսած էր թէ մարդիկ արցունքներ

Տեսնել չեն սիրեր:

Ո՞վ պիտի տայ նոցա հացը. գործ չունին,  
Եւ օրերով նօթի մնալն է դժուարին.

Քընոյ ժամ է գիշեր, սակայն մոլութիւն

Գիշերն է արթուն:

Եւ երբ ամբիծ որբն առաւիր աշխատի,  
Ձի դուն ուրեք ճօխն ողորմի աղքատի.  
Երբ լոյս յուսայ նըմաններէն եւ խաւար

Գանէ այդ թշուառ.

Երբ իւր շուրջը տեսնէ զըւարթ բիւր գէմքեր,  
Եւ դառնայ իւր սրտին, մահու սեւ պատկեր.  
Ծիծաղ դգուանք տեսնէ այլոց ճակատուն

Վերայ շողջողուն,

Եւ մերկութիւն, լըքում թախիծ խաւարին,  
Տըխսուր ընկերք, երբ ներա շուրջ բողբօրին.

Յայնժամ, աւաղ, ժպտի ժըպտա մի պաղչոտ  
Ճօխին վաւաչոտ:

Ահա յայնժամ տեսնենք աղջկունք գեղանի,  
Վարդեր շարած ի գլուխ եւ ուսք հոլանի,  
Ծիծաղելով դառնալ արագ անդունդին

Եղերքն ահագին:

Եւ թոյն թաքուն նոցա բաժակն աղտեղէ.

Աւաղ, քանզի այդ մեղուհին անմեղ է,

Եւ պերճութեանց վերայ ահով մերթ նային

Աչերն երկնային:

Վաստակելու ջանք արար այդ պատանին,  
Եւ մերժեցին, եւ գործ չըկար. անհնարին  
Եւ խստըմբեր աղքատութիւն չարչարէր

Որբ մայրն եւ քոյրեր:

Ի՞նչ արար նա: Լայն էր աշխարհ, լայն էր տիւ,  
Եւ ապրէին մարդեր անչափ եւ անթիւ.

Ճակատ սուրստեց, ցոյց տըւաւ բուռն արեգին,

Վայրկեան ահագին:

Ա՛հ, բացուեցաւ յայնժամ բանտին մութ բերան,  
Բանտ, խաւարչուտ, խոնաւ, ահեղ գերեզման,  
Որ կենդանի կլնէ էակն, ոյր ընկեր

Անվերջն է գիշեր:

Բանտ, մենարան ուր ախամայ մտնէ մարդ,  
Ուր չըկայ կեանք, կապոյտ, սէր, երգ, բընաւ վարդ,  
Բանտ, անանուն արցունքներու, հոգերու

Տեղի ահարկու:

Բանտ, ոյր գիշերն է միշտ անաստղ, անլուսին,  
Ոյր խորութեանց մէջ բնաւ պիտի չը փայլին  
Աստղեր, երկնի դրախտին մեղուք ոսկեթեւ,

Եւ ոչ խի արեւ:

Ձըպտի՞ գլխանք նոցա վերայ. որբերուն,  
Որ այս դժբաղդ երկրի վրայ երբերուն,  
Վըհատ, անօք, չըլին այրած սրտերով,

Չունենանք գորով:

Երջանիկներ, երջանիկներ. բերկրութեան  
Երբ աւաչներ ձեր ահանջին որոտան.

Ուրախ, զըւարթ, երբ եթերին տակ երգէք,

Որբերն յիշեցէք:

Յիշեցէք այն տարաբաղդներ, ոյց երկին

Իւր ընդարձակ լոյսէն մերժեց մի բաժին,

Եւ անհատնում մրթութեան մէջ խարխափեն

Եւ արցունք թափեն:

Մըխիթարիչ եւ անոյշ է գըթութիւն ,  
 Եւ ցօղ է այն ուրախարար, գըւարթուն,  
 Որ կարող է, թէ վիշտ ունիք, առնել դիւր  
 Նեղութեանց ձեր բիւր:

Գութ ունեցէք, եւ ձեր տաղտուկ փարատի:  
 Եթէ տրտում տեսնէք մի կոյս նորատի,  
 Ոյր աչերուն մէջ շիջած է բնաւ ժըպիտ,  
 Այն աչեր վըճիտ .

Կամ մի մանուկ ձեր նայուածոց հանդիպի,  
 Ոյր ճակատուն վերայ մի սուգ եղիկի  
 Իւր քող ձըգեց, նոցա թող սիրտ ձեր գըթայ .  
 Որբեր են նոքա:

Ձեր գանազան վայելից մէջ կայ պարապ:  
 Որ ծանրանայ ձեզ եւ լի է ձանձրութեամբ .  
 Յայնժամ թշուառ մի սփոփեցէք, եւ ստանաք  
 Եւ դուք մի սփոփանք:

Թէ դուք չունիք նոցա համար գութ է՛ոջ սեր,  
 Եւ միայն ձեր կենացն յարիք հեշտասէր,  
 Այդ խեղճերուն , ոյց տարտամ է ասլադայ,  
 Ո՛վ պիտի գըթայ:

Երբ ծաղկազարդ հասնէ գարուն ծիծաղկոտ  
 Եւ նորոգին բնութիւն, երկին, դալար խոտ,  
 Եւ բուռն հողին ալ յաջորդէ մեղմ գեփիւռ .  
 Ձըւարձ, կենասսփիւռ:

Բուրաստանաց մէջ երբ պարէք եռանդով  
 Ողջունել նոր տարին, ուրախ, անվրդով  
 Թերեւս ձեզ մօտ կան թշուառներ ոյց դաժան  
 Թըւի ժպիտ բնութեան:

Եւ լուսասփիւռ սրահներու մէջ երբ դաշնակ  
 Եւ հոյլ ի հոյլ թուջին երգեր սիրանուագ .  
 Խնդի, սիրոյ եւ գորովի երբ գրկեր  
 Ձեզ լայն են բացուեր .

Եւ դուք խնդաք եւ անուններ տաք միմեանց,  
 Ձոր ձեր սրտին ազդէ սիրոյն ձեր նախանձ,  
 Եւ կաքաւէք եւ ոստոստէք հեւ ի հեւ,  
 Չուգեալ թեւ ի թեւ .

Թերեւս որբ մի, վըհատ բնաւին այն պահուն,  
 Ձինք գլխիվայր նետէ յանդունդ մի թաքուն,  
 Եւ անայլայլ շողայ երկնի աստղազարդ  
 Ճակատ գեղազուարթ:

1882, Uurs .

Կ Ա Ձ Ն Ի Ն

Մեծատարած ծառ, ո՛վ հսկայ հինաւուրց,  
 Որ դարերու բուռն հովերուն տըւիր կուրծ .  
 Կատար քոյին ամպերուն մէջ խառնըլի,  
 Նահանգներու մէջ բարձրաբերձ ուր արծուի,  
 Սաւառներով, արփուոյն շեռայլքն արբենայ,  
 Մինչեւ, խոնջեալ, ժայռին վերայ հանդէլի նա,  
 Չափել փայլուն եւ հըրացայտ աչերով  
 Լայն անջրպետն որ ընդ երկին եւ ընդ ծով:  
 Ծառ հաստարմատ, որոյ թեւեր բիւրաւոր,  
 Նըման ահեղ վիշապներու զօրաւոր,  
 Տարածանին եւ դալարին աստ եւ անդ  
 Բիւզանդիոնի յերկնամերձիկ դարեւանդ .  
 Ո՛վ պահասպան, ոյր կարծես թէ բազուկներ  
 Սուլթաններու գլխուն վրայ են տարածուեր,  
 Եւ որ հսկես գողցես անդուլ անդադար  
 Մահիկներու բաղդին վերայ լուսատարր:  
 Ձի՛ մեծաքանչ ես, ո՛վ կաղնի: Քո ներքեւ

Ահա շունչեր անցեալ դարուց հեւ ի հեւ  
 Գան զովացնել տագնապայոյց մեր ճակատ .  
 Եւ երբ դիտենք երկնի ներքեւ հըրակաթ  
 Այդ լուսավառ, ակնախըտիդ ծոցն անծայր,  
 Պատկեր երկնի խորհրդաւոր եւ պայծառ,  
 Ուր իբր ականք թեթեւապար, վառվըռուն  
 Շողք արեգին ցոլան, ցայտեն եւ ոստնուն .  
 Յայնժամ, ո՛վ ծառ, երկնահամբոյր ոստոցդ հեռ  
 Վեր համբառնայ հողին ի թռիչ անհեղեղ :—  
 Եւ ի՞նչ տեսար քո բունին շուրջ . ի՞նչ տեսար  
 Շուրջ քո գլխոյն որ ցարդ հայի սարէ սար :  
 Ո՞ր կտրիճներ անցան ներքեւ հովանոյդ .  
 Ո՞ր բանակներ, ո՞ր լեգէոնք մեծադուրթ  
 Ողջունելով ըզքեզ անցան քո առաջ :  
 Մինչ քեզ հասաւ պանդխտելոյն խոր հառաջ,  
 Ոյր նաւ ծըվար յալիս ծովուն Մարմարայ  
 Եւ որ երթար մեռնիլ յերկրին իւր վերայ :  
 Ո՞ր թշուառին արտասուեահեղճ նայեացներ  
 Արձակեցան մինչեւ առ քեզ բլուրն ի վեր,  
 Եւ մչապատ երեկոյին լուռ պահուն  
 Հեծեց. «Ողջոյն քեզ, ո՛ Ստամպոլ խմսիրուն» :  
 Խոր գիշերներ սեաւ գաղտնիքներ հծծեցին .  
 Զո՞վ անդունդին խորն ընկեցին առանձինն :  
 Հողմը բերան մինչ քեզ ահեղ հւրնտիւններ  
 Զոր ոգեվար մահապարտը հառաչէր .  
 Եւ սարսուեցար եւ դողացիր . դողացին  
 Ոստոց վերայ բունած թռչունք խմբովին :  
 Քանիցքս բուն գիշերն հեւաց եւ վայեց  
 Զիւր ոգեսպառ, մահացու ողբ տրտմահեծ,  
 Մինչ ամեն ինչ նիրհէր արդէն լ՛ ամպերուն  
 Մէջ կար լուսին գերդ արիւնոտ մի դաշոյն :  
 Անշուշտ երբեմն ամուրք եկան սիրահար

Քայլել դանդաղ հովանոյդ տակ հողմահար .  
 Ի՞նչ ասէին միմեանց . յապուշ կրթեցան  
 Սոխակին վեհ երգոցն առաջ սիրածայն .  
 Եւ ամիովեց իւր մատներով դողդոջուն  
 Երիտասարդն անոյշ վարսեր նազելոյն,  
 Զոր դառն հողմ երեկոյին ցրտաշունչ  
 Թափէր ցիր ցան շուրջ ճակատուն վայելուչ :  
 Դարերու շունչն անցաւ ընդ քեզ, ո՛վ կաղնի,  
 Ընդարձակեց ոստերուդ դրօշն հողանի,  
 Որոյ ներքեւ շոյտ սահեցաւ եւ անցաւ  
 Անթիւ մարդկան սերընդոց գետ սըրարչաւ .  
 Եւ դու կանգունկաս անյողդողդ, բարձրագլուխ,  
 Մինչ քո ստորեւ սահի կենաց արագ ուխ .  
 Եւ վաղ անկնող մարդոյն վերայ յար կանգուն,  
 Լաս, արտասուես դու մերթ ընդ մերթ ցողն այգուն :  
 Եւ մինչ յուզին եւ տագնապին անդադար,  
 Մինչ եղկելիքն ոյց կեանքն է մի եւ եթ դար,  
 Զեւ կարացած հասկնալ զիրեար, եւ մեռնին  
 Տրգէտ, տխմար, ապերջանիկ բընաւին,  
 Զորս հողմերուն տարածանես քո թեւեր  
 Գերեզմանաց վերայ մարդոյն վաղաւեր :

1882, Ապրիլ.



Գ Ա Ր Ո Ւ Ն



Պըսակ ճակտիս կապեցէք,  
 կամիմ մոռնալ իմ ցաւեր :  
 Փունջեր իմ շուրջ թափեցէք .  
 Գարուն կարդայ ինձ հրաւէր :

Եւ մանկանալ ես կամիմ:

Արբեցոյց զիս քո համբոյր,

Ո՛վ բընուեթիւն խնկաբոյր .

Փունջեր, փունջեր, եղբարք իմ:

Գարո՛ւն, գարո՛ւն, փունջ ընդարձակ, անծայրածիր,

Զոր արեգին շընորհապարտ ձօնէ երկիր .

Ո՛վ բոյրերու, երանգներու վեհ ժամանակ,

Դաշնակուեթիւն բիւր երգերու սիրանըւազ .

Կենաց, խնդի, սիրոյ յուզմանց եղանակ հեշտ,

Ուր մարդ խանձող կակիճներու տայ իւր հրածեշտ .

Ուր բոյսերու բուսնին ծիւեր, թեւեր՝ թռչնոյն,

Եւ հոգւոյն ալ՝ թեւեր թռչիլ դէպ ի յանհունն:

Ո՛վ հծծիւններ հովանոցին խորհրդազգեաց,

Ուր կենաց վրայ խօսին ամուրք գորովազգած:

Նըւազ մնջիւնք աղաւնոցին . ո՛վ բալասան

Որ սըւըրդի յէակս համբուն հըրահոսան:

Ծովափանց վրայ մարող երգեր հէք սիրողին .

Ճերմակ թռչունք որ ալեկաց մէջ ողողին:

Ակնապարար մարմանդք դալար եւ գոյնըզգոյն,

Ուր մանկուեթիւն ձեմէ, պարէ մեղուաց հանգոյն:

Ծիծաղ, ժըպիտ, հայեացք խորին եւ աղեխարչ,

Որովք սրտեր սիրատոջոր վարին ընդ քարչ:

Ա՛յ ծիրանի, կապոյտ, կանաչ, ոսկի բոյսեր .

Ա՛յ թուխ, ծաւի մեծ մեծ աչեր ուր վառի սէր:

Ո՛վ շողիներ երեկոյին սպիտակաթոյր,

Որ զերդ շըղարչ ծածկեն զերկիր անուշաբոյր,

Երբ բացական հորիզոնին ներքեւ զօղի

Արեգական շիջելափառ ականողի .

Ծայրակարմիր ամպեր, պատուարք հսկայական,

Ուստի վերջին հուրեր ժայթքէ իշխան տուընջեան:

Ողջոյն, գարուն, միջնորդ սրտիս եւ շարին մէջ .

Յօղ զովարար աղեխորով հըրոյս անչէջ .

Ի քո տեսիլ ներեմ օձին իւր մահու թոյն,

Եւ դժնիկին ներեմ իւր փուշ դժնէագոյն,

Եւ գիշերին իւր ըստուերներ, խայթոց՝ մեղուին:

Էր երբեմն զի հոգւոյս մէջ բընաւ զեղուին

Մեծ դառնուեթիւնք անիրաւին, շարին ի տես,

Եւ յիս նըսեմ կուտակէին ամպք դէզադէզ .

Էր երբեմն զի այս կենաց իրք անհամբոյր

Ծըրարէին իմ միտքն ի մուայլ ինչ մըթասփիւռ,

Երբ անմեղին հասնէր վախճան դըժօխըմբեր,

Եւ վատթարին լինէր այգւոյն հող բարեբեր:

Մահահանգոյն ճըմեռ դաժան զիս պատէր շուրջ,

Երբ տէսնէի մարդիկ բազում, խոհեմ եւ լուրջ,

Որ գոհ էին այս պայմանէն եւ ոյց համար

Լաւագունի փափագողներն էին տխմար:

Տաղտուկ խորին յայնժամ լընուր զիս ցաւագին,

Լայի նման մօր որ ողբայ զմահ իւր զաւակին:

Զի անդունդներ խաւարամած հէք մարդկուեթիւնն

Շուրջ պատէին եւ գայթէր քայլ իւր դողդոջուն .

Զի լըսէի նուաղ հեկեկանք, գոռիւն ահեղ

Որ թնդացնէր կուռոյ դաշտերն արիւնահեղ...:

Ա՛յլ մոռացայ ահա ամեն այս աղէտներ,

Եւ աղճամուղջ որ սրտիս խորը պատատէր,

Շիջաւ ահա քո ժըպիտին առաջ փայլուն,

Դու թողուեթիւն ամեն ձմրան, ո՛վ սուրբ գարուն:

Կուրծիս մէջ է կապոյտն երկնի, առուին մրմունջ,

Եւ երակացըս մէջ հոսի զեփիւռին շունչ .

Դայլայլիկներ, բզզիւնք, սըղոխ եւ սօսաւիւն

Հոսեցին յիս նըւիրական եւ քաղցր աւիւն .

Ճաճանչներու վերայ խաղայ հոգիս թեթեւ .

Ամեն ծիծաղ գգուիլ կամիմ . հո՛ղմ, տուր ինձ թեւ...:

Պըսակ ձակտիս կապեցէք .

Կամիմ մոռնալ իմ ցաւեր:

Փունջեր իմ շուրջ թափեցէք .  
 Գարուն կարգայ ինձ հրաւէր,  
 Եւ մանկանալ փափագիմ:  
 Արբեցոյց զիս քո համբոյր,  
 Ո՛վ բընութիւն խնկաբոյր .  
 Փունջեր, փունջեր, եղբարք իմ:

1773, Ապրիլ.

Տ Ե Ս Ի Լ Ը

Անծանօթ էր տեղին, ծովուն առ եզեր .  
 Լայն էր ծովը եւ էր խաղաղ, աներեր:  
 Ապարանք մի բարձրանար անդ միայնակ .  
 Եւ ապարանք չէր տեսնուած նոյնգունակ:  
 Շուրջն անբընակ, անչէն ունջ մի թխալայորդ,  
 Ուր չէր քայլած բընաւ գողցես մի անցորդ:  
 Եւ գիշեր էր. աստղեր չէին, այլ լուսին  
 Մերթ երեւէր վերայ երկնից երեսին  
 Եւ մերթ մըթին թաքչէր յետոյ ամպերուն,  
 Թողլով երկրին նըշոյլ աղօտ, երերուն:  
 Երկայն սրահներ ունէր պալատն անծանօթ,  
 Եւ մէն մի սրահ, որպէս լուսոյ մեծ անօթ,  
 Փայլատակէր եւ կրկնուէր ի ծովուն,  
 Զերդ լուսազանգ սիւներ յողբողդ, դողդոջուն:  
 Մարգարտայեռ պըսակներով, ըսպիտակ  
 Եւ ոսկեհուռ ագած հանդերձ ընդարձակ,  
 Ճաճանչահեր էակներու բազմութիւն  
 Այսըր եւ անդր երթեւեկէր շողջողուն:  
 Այլ, ո՛վ զարմանք, ոչ մի ձայն, ոչ մի աղմուկ,

Ոչ մի նըւագ, ոչ երգերու ինչ շըշուկ .  
 Այնչափ կենաց, այնչափ գեղոյ հետ միասին  
 Անասելի մահ մի տիրէր յամբօխին:  
 Եւ հայէի. չէի կարող իմանալ  
 Այդ բազմութիւնն անկարեկիր, անայլայլ:  
 Ճառագայթող սըրահներուն տակ, ի վայր,  
 Ընդնչմարուէր մի խաւարչուտ ներքնավայր,  
 Տարտամ, ահեղ տեղի գողցես դժոխային:  
 Շիջուտ խարոյկք աստ անդ տըխուր մըխային .  
 Եւ դիտեցի. վըտիտ վըտիտ ուրուականք,  
 Որ մարդ էին, այլ յոյց հեռի էին կեանք,  
 Ապշած, միմեանց աչերուն մէջ հայէին .  
 Նայեացք տխմար, մըթին, նայեացք անմեկին:  
 Երթեացեալ մատներուն մէջ աստ ոմանք  
 Առնուին հացն եւ ուտէին. եւ անյագ  
 Եւ անհեղեղ ակորթակ մ'էր այս արդեօք,  
 Զի լեղի էր այդ հաց եւ դառն. անդ այլ ոք  
 Չեռացը մէջ առած իւր գլուխ լերկ, անհեր,  
 Արձանացած, լուռ, մըտածէր եւ խորհէր:  
 Յիմար կիներ, ծուները դրած եւ ժպտուն,  
 Որք չըգիտես ննջած էին կամ արթուն,  
 Մանկան նըման բաներ ուժգին ընդգրկած,  
 Ծիծաղէին նոցա շրթամբք լայնաբաց:  
 Ես դարձուցի աչերս ի վեր ահաբեկ .  
 Անտանելի էր այդ տեսիլ կարի հէք:  
 Եւ պայծառ էր ապարանքը տակաւին .  
 Այլ բազմութիւնն անհետացած էր բնաւին:  
 Միայն յամրաքայլ ոք չըլէր անդ գեղապանձ,  
 Եւ սա կին մ'էր, կին մ'անհանգիստ, սիրախանձ,  
 Որ մինչ ամենքն արդէն զնացին, հանգչեցան,  
 Նոր զարդերով պճնէր վարսեր ցիր եւ ցան,  
 Նոր գոհարներ եւ մարգարիտ յաւելուր

Իւր ճակատուն լուսապայծառ եւ մաքուր :  
Երկայն ժամեր այսպէս անցան . նէ սպասէր ,  
Եւ հուսկ ապա չեկաւ ներա սրտին սէր . . . :

\* \* \*

Եւ հայեցայ . ոչ եւս էին ճրագունք բլւր ,  
Եւ խաւարած էր այն պալատ լուսասփիւռ :  
Ոչ եւս սիւններ նըշուլածոյլ մէջ ջրոյն ,  
Ուր պատկերէր մեծ ապարանքն երերուն .  
Ոչ եւս էակն այն սիրատարփ , անձկայրեաց ,  
Ոչ եւս վարդեր , ոչ եւս հայլիք լուսամած :  
« Ա՛հ , ի՛նչ է այս , սարսափահար գոչեցի : »  
Ձայն մի գոր մեք լրսենք երբեմն յանըրջի ,  
Խորին ձայն մի որ չըգիտենք ուստի գայ ,  
Բայց որ գողցես պատմէ զիրացն ապազայ ,  
« Այդ ապարանքն , ասաց , աշխարհն էր համայն ,  
Եւ մարեցաւ . եւ այն էակ դիցանման ,  
Որ ընդ երկար տատանեցաւ յար արթուն ,  
Ճշմարտութեան ըսպասողն էր գիտութիւն » :  
Սարսուռ անցաւ սրտիս խորէն , եւ յերկին  
Երբ դարձուցի աչերս տխրած , տրամագին ,  
Ըզգացի որ սառէր ուղեղս առ ահի .  
Ձի թուխ ամպեր լեռնանըման , ահուելի ,  
Խեղդած էին գիշերներու վեհ դշխոյն .  
Եւ պատառներ նոցա մըթին եւ տրմոյն  
Ուրուազըծած էին ահեղ կերպարան ,  
Որոյ անձեւ եւ այլանդակ մեծ իրան  
Տարածանէր յերկնից երեսս ընդարձակ ,  
Եւ ժպտելով քասքնելի ժպիտ մ'անառակ ,  
Հինգ մատները դէպ ի ցըռուկ իւր տանէր . . . :  
Ունայնութիւնն էր որ ծաղրէր զաշխարհ մեր :

Մ Ա Յ Ի Ս

Ընդէ՛ր անոյշ է այդ մանկըտւոյն պար  
Ընդ մարդ երփներանգ եւ մարմանդ փափկիկ ,  
Ոյց տեսիլ սիրուն եւ գեղադալար  
Յուզեն , որոքեն մեր տարտամ ոգիք :  
Սիրտ իմ , ս՛հ , ընդէ՛ր բաբախես ուժգին ,  
Ուռիս , բարձրանաս զերդ ծով փրփրադէզ .  
Ի՛նչ անցաւ ընդ քեզ , սիրտ իմ տրտմագին ,  
Սիրտ խռով այլ հանդարտ , ի՛նչ անցաւ ընդ քեզ :  
Ձի երկրի ծոցէն դ՛ուրս ելաւ Մայիս ,  
Եւ վասն այնորիկ յուզուեցար ընդոստ ,  
Եւ անհուն , անվերջ զարմացմամբ նայիս  
Թիթեռնիկներուն արշաւն ոստէ ոստ :  
Ո՛ւր դիմեն նոքա , է՛ր թեւք դողդողան .  
Մի՛ թէ տերեւներ լինին օդապարք  
Ձոր շունչ գեփիւռին հեզ , խաղաղական  
Վարէ , տատանէ ընդ ծառս եւ ընդ մարդ .  
Կամ սիրտեր լինին ի կերպ թեւերու  
Ճերմակ , շողշողուն պայծառ արփուոյն տակ ,  
Որ խնդրեն գէական հեռու , շատ հեռու  
Եւ վարանեալ կան , ուղւոյն անգիտակ :  
Ո՛հ , այդ բզզիւններ , ս՛հ , ի՛նչ հոգեյոյզ  
Օդային խմբերդ գողցես երկնային .  
Թէ մարդկան լինէր այդ երգ շող եւ լոյս ,  
Անշուշտ լաւագոյն զերկին հասկնային :  
Երկնից աղջիկն է Մայիս սրբազան ,  
Եւ յուշ առնէ մեզ Յաւիտենութիւնն ,  
Որոյ ձեռն , իբրեւ մոզն յիւր գաւազան ,  
Վեր յարուցանէ այդ զարմանքն անհուն :

Արդարներու սէրն, հրճուանքն է Մայիս,  
Եւ վիհ է խորին ծաղկամբք շուրջ պատած,  
Որոյ եղերքէն թէ ի վայր հայիս,

Դուրս փայլատակէ համայնից Աստուած:

Ի՞նչ կամին ասել ուրեմն այդ ձայներ  
Բիւրաւոր թռչնոց եւ միջատներու.

Ընդէ՞ր մերթ հեծեն եւ մերթ, սիրտ յերեր,  
Կարծես հիացումն յայտնեն իրարու:

Առաւօտներն են ճիչերով լըցուն.

Շաղն է մարգարիտ որ յեռու մանեակ  
Եւ ասպարանջան բնութեան թեւերուն,  
Ոյր անձկաւ ճըչեն սոխակ եւ սարեակ:

Թող ուրեմն որոց սիրտեր բաբախեն,  
Ելնեն ընդ առաջ հարսին երկնառաք,  
Զոր արշալուսոյն կառքերն հըրեղէն  
Հասուցին յաշխարհ մեր արագ արագ:

Երիտասարդներ, ոյց լոյս է հոգի,  
Դաշտերն ընթացէք կայտառ, շուտաքայլ,  
Եւ սուրբ ըզգացմունք, հեղ եւ կաթոգի,  
Վառեն երկնամբարձ աչեր լուսափայլ:

Եւ պուրակներու ներքեւ դուք կանգուն,  
Պիտի բարձրացնէք ձեր սիրտերն ի վեր.  
Մայիս վեհ նըւագ մ' է սիրով լըցուն.  
Եղբակ այնոցիկ որ զայն չեն լրսեր:

Եւ գնացէք չըջել, աղջկունք, թեւ ի թեւ  
Հովանիներու ներքեւ զովասփիւռ,  
Եւ ձեր վարսերուն հետ փափկիկ, թեթեւ  
Թող ի խաղ մտնէ մանկազուարճ զեփիւռ:

Ալեղարդ ծերեր, սեմոց վրայ նստած,  
Թող դիտեն թուռանց պարերն եւ կաքաւ,  
Եւ յիշատակներ հեռուստ սրտազգած  
Նոցա առաջէն թող անցնեն կարգաւ:

Ո՛վ անցեալ ամեր, աւուրք մանկութեան.

Լուսոյ եւ սիրոյ հեշտին վայրկեաններ,  
Որ կիսամուռաց անընդ նըման

Հիւ գան, շուրջ յածին գլխոյն ալեհեր:

Եւ ձայնք հեռաւոր հասնեն ականջին,  
Զայնք անցեալ աւուրց, եւ ասլած հայի.

Եւ երախային զմայլմանն առաջին,  
Ծերունւոյն զարմանքն ալ յոյժ նըմանի:

Եւ շիրիմներն ալ այն պահուն խայտան.

Զի ծաղկունք, ճիչեր, դալարիք, երգեր  
Զըւարթացուցին մահու տեսարանն,

Որպէս աստղերը պճնեն զմութ գիշեր:

Թող բերկրին բընաւք եւ յուսով լընուն.  
Ծերն, որպէս մանուկն, ագնի թող հրճուանք.

Թող սարսափ չազդէ մեզ մահուան անուն.

Հաւատացէք ինձ, այս միայն չեն կեանք:

Հանուրց աւաչին, երկնի դունդերուն,

Հեռաւոր շնչոց, այս ամենուն մէջ

Զայն մի ես լրսեմ, ձայն աներերուն,

Որ ասէ մեզ թէ հոգին է անչէջ:

Այո, դուք ամեն ոյց դառնացան կեանք,

Դուք որոց շուրթեր ոչ եւրս ժպտին,

Ուրախ եղէք դուք, նորոգին համայնք.

Ծեր աշխարհն ահա ժպտի վերըստին:

ԱՌ ԶԱՐՈՒՀԻ ՍԵՓԵԱՆ

Մի հարցներ ինձ , մանկիկ , թէ էր չեմ զըւարթ ,  
 Կամ էր յաճախ կամ անսուտնչ :  
 Քեզ արդ ժպտին գարուն , գորով , գգուանք , վարդ .  
 Գըննս պարտէզ . խնդան աչերդ սիրազարդ ,  
 Եւ մօր քոյին շինէ փունջ :  
 Դեռ ամբողջ են երկնի աստղեր քո համար  
 Դեռ այս կենաց ամբողջ ծովը չը տեսար ,  
 Եւ իմ սրտիս ալ մի լինիր հետամուտ ,  
 Զի քեզ միայն երանութիւնք անհամար  
 Մաղթէ հոգիս հայրագո՞ւթ :

Անփոյթ եղիր զեփիւռին պէս մանկական .  
 Վազէ՛ քաղել ծաղկունք բիւր .  
 Թէ արցունքներ տեսնես ալ յաչըս մարդկան ,  
 Մի՛ զարմանար . են աստ ոմանք որ ողբան .  
 Նոքա ամպ են , դու զեփիւռ :  
 Նոքա տրտում արարածներ են , ունին  
 Որ իւր վերքեր , որ իւր ցաւեր անքընին ,  
 Որ իւր անդունդ ուր դժուարին է հայել ,  
 Որ իւր գաղտնի մորմոքներըն անհնարին  
 Զոր ճանչնալ քեզ չէ՛ վայել :

Մի՛ հարցներ ինձ , ո՞վ Զարուհի , էր յանկարծ  
 Շիթ մի լընու իմ աչեր .  
 Ո՞չ ապաքէն երբեմն ամպեր միգամամ  
 Պատեն երկնից պայծառ ճակատ , եւ ալեաց  
 Զայնք յանկարծ չէ՞ն հառաչեր .  
 Արժէ՞ միթէ՛ գիտել դոցա մութ պատճառ ,  
 Զէ՞ որ կապոյտն ունի գաղտնիքն իւր անճառ ,

Եւ խորք ծովուն չունին իւրեանց խորհուրդներ .  
 Ի՞նչ փոյթ է մեզ էր սպուեցաւ աստ խաւար ,  
 Կամ անդ էր բնաւք են յուզուեր :

Միայն , երբ ամբ քո հասակը զարդարեն ,  
 Եւ զարգանաս դու գեղով .  
 Երբ անուրջներ , որ անշուշտ գան Արդարէն ,  
 Յուսածիժաղ ողբաց նըման , թուին պարեն  
 Ճակատուդ շուրջն անվրդով .  
 Երբ խելամուտ լինիս իրացն աշխարհի ,  
 Եւ անդունդ մի քո աչերուն երբ վառի ,  
 Եւ սակաւ ինչ այդ լոյս փոխուի մըթութեան .  
 Երբ քո համար շողն անաղօտ խաւարի ,  
 Բախմունք սրտիդ երբ թնդան .

Երբ տարբեր իմն ազդեն հոգւոյդ երեկոյն ,  
 Այգն եւ ծաղկունք եւ երգեր .  
 Եւ քեզ համար տարբեր գոյներ ըզգենուն  
 Արշալուսոյն սուրբ երանգներն անանուն ,  
 Զոր գողտր երկինն է ագեր .  
 Երբ դու տեղեակ լինիս անվերջ արտասուաց  
 Զոր հեղու աստ տըխուր կարգ մի մահացուաց ,  
 Որոց համար հրապոյր չունի այլ ոչ ինչ ,  
 Եւ թախիծի տարտամ մըռայլ սեւազգեաց  
 Պատէ աչեր քոյին ջինջ .

Երբ երեկոյ մ'անցնես ընդ այն ճանապարհ ,  
 Մերձ ծովափին հեզ եւ լուռ ,  
 Որոյ եզերքըն որորուին զուգապար  
 Մատաղ նոճի մ' եւ վարդենի մի խոնարհ  
 Իւր թերթերով քաղցրաբոյր .  
 Երբ թերեւըս ես ոչ եւս եմ եւ տապան

Մոռացութեան, զերդ կախարիչ մ'անկործան,  
 Փակած է քո հօրեղբայրը, Զարուհիս.  
 Երբ, ասեմ քեզ, անցնես դու ընդ շաւիղն այն,  
 Կանգ առ վայր մի, յիշէ՛ զիս:

Անդ մի հրեշտակ, հրեշտակ էր նէ կամ մի կոյս  
 Որպէս քիչեր միայն կան,  
 Վարդեր քաղեց, երբ երեկոյն մեղմալոյս  
 Ելնէր յերկին, եւ նըւիրեց եղլեւոյս  
 Մի ժըպխտով սիրական.

Եւ թողաւ զիս, եւ մարեցան բիւր աստղեր  
 Իմ ամպադէմ երկնիս վերայ, եւ աւեր  
 Անհրնարին այս հոգւոյն մէջ դործուեցաւ.  
 Եւ այս հէք կուրծ որ յանչափ սէր բարախէր,  
 Լըցաւ ի վիշտ եւ ի ցաւ:

Մի հարցնէր ինձ, մանկիկ, թէ է՞ր չեմ գըւարթ,  
 Կամ է՞ր յաճախ կամ անմուռնչ:  
 Քեզ արդ ժպտին գարուն, գորով, գգուանք վարդ.  
 Գընա՛ պարտէզ, խնդան աչերդ սիրազարդ,  
 Եւ մօր քոյին շինէ՛ փունջ:  
 Դեռ ամբողջ են երկնի աստղեր քո համար,  
 Դեռ այս կենաց ամբողջ ծովը չը տեսար,  
 Եւ իմ սրտիս ալ մի լինիր հետամուտ,  
 Զի քեզ միայն երանութիւնք անհամար  
 Մաղթէ՛ հոգիս հայրագութ:

1879, Սեպտեմբեր.

ԹՈՂ ՉԻՍ

Թող զիս, պատկէր շընորհալի,  
 Որ զիս այնչափ հալածեցիր.  
 Բաւ են տանջանքս, թող քո յուշեր  
 Մեկնին ինձնէ՛ արդ ցան եւ ցիր:  
 Բաց աչերն իմ քո համար լան,  
 Եւ երկիւղով իմ նինջ լըցաւ.  
 Բաւ են խորհուրդք գիշերային.  
 Բաւ ինձ այսքան արցունք ու ցաւ:


Թող զիս, սրտիս կէս սիրական.  
 Լաւ է ապրիմ քեզնէ՛ հեռի,  
 Քան մըշտահոս արցունքներով  
 Լըցուն աչերս ողորմելի,  
 Երկնից կամարը սեւեռած՝  
 Հոն նըկարեն քո պատկերը,  
 Զոր առժամայն սեաւ ծածկութով  
 Գան եղծանել մութ ամպերը:

Թող զիս, կենաց իմ նըպատակ.  
 Ի զուր, աւաղ, զուարթ երազներ  
 Լոյս փոխեցին սեաւ սեաւ գիշեր.  
 Զի արդ մինչ բնաւք նիրհեն խաղաղ,  
 Կամ կեանք եւ սէր խաղան շարժին,  
 Հըզօր ձեռ մի, ցերեկ կամ ցայգ,  
 Սեղմէ՛ աղիքն իմ հէգ սրտին:

Թող զիս, Հեփտիւր. լի է հոգիս  
 Անմեկնելի կըսկիծներով.  
 Կեանքս անապատ մի է դարձած,  
 Ուր թափառիմ աղէխորով:  
 Մերժեմ ես յոյս. պարտ է մոռնամ  
 Ըզքեզ, ծաղիկ իմ յոյսերուն,  
 Զի վարդեր կան զոր մատունք մեր

Անհրպելի պարտ է թողուն :  
 Թող զիս . արդէն բնաւք թողին զիս .  
 Մի դասաւիք եղայ չըւառ .  
 Եւ այդ արեգ որ ամենուն  
 Շողայ , վըսեմ եւ սիրավառ ,  
 Ցուրտ նըշոյներ միայն սիւռէ  
 Խաւերուն մէջ սրտիս , աւեր ,  
 Եւ ես չըջիմ աստ որպէս կոյր  
 Որում նոյն են տիւ եւ գիշեր :  
 Թող զիս , եթէ գայ ժամանակ  
 Ուր դու ցաւիս սակաւիկ մի  
 Քո մտերմին վերայ թշուառ ,  
 Մըտածէ թէ Աստուած կամի  
 Որ երբեմն լինին մարդեր ,  
 Որոց համար , ահ , յաւիտեան  
 Փակուած մընան , մութ , անողոք ,  
 Ամեն դուռներ երջանկութեան :

1875, Սեպտեմբեր.



ԼՈՒՍՆԻՆ ՏԱԿ

Մարդիկներէն հեռացած ,  
 Խաղաղիկ ձեմելով ,  
 Գիշեր մի էր գեղասպանձ ,  
 Երթայինք դէս ի ծով ,  
 Որոյ խորին է յատակ  
 Գեղեցիկ լուսնին տակ :

Յիշէս արդեօք , Հեփտիւրէ՛ ,  
 Ինչ պայծառ էր երկինք ,

Որոյ նըշոյն արծաթէ  
 Գգուէր քո խոսուպիք ,  
 Երբ ծովափանց մօտեցանք  
 Գեղեցիկ լուսնին տակ :

Ձը գիտեմ թէ քո բազուկ ,  
 Կուրծքիս մօտ հանդէլով ,  
 Ինչ թեւերու յեղձեղուկ  
 Դիպեցաւ սրտիս քով .  
 Զի առժամայն վեհ հրճուանք  
 Ըզգացի լուսնին տակ :

Ինչ անոյշ էր այն ժըպիտ ,  
 Որ շրթանցդ վերայէն  
 Տարածուելով հեղափթիթ ,  
 Սփռէր վեհ լոյս մ'անդէն .  
 Կարծեցի ես մի հրեշտակ  
 Տեսնել անդ լուսնին տակ :

Չէ՞ որ շրթունք սիրայոյզ ,  
 Երբ փայլին քո աչեր  
 Տարածելով սէր եւ լոյս ,  
 Մըմջեն ազօթիկեր .  
 Այսպէս եղաւ իմ տատրակ :  
 Գեղեցիկ լուսնին տակ :

Բառեր ի գուր խնդրէի  
 Քո սրտին ուղղելու .  
 Ի գուր , չըփոթ , եղկելի ,  
 Զանայի խօսելու .  
 Լըռին եւ մունջ չըջեցանք  
 Գեղեցիկ լուսնին տակ :

Եւ մինչ երկիր եւ կամար  
 Ժպտէին երկնքին,  
 Զերդ զոյգ աստեղք սիրահար  
 Որ անխօս փայլելիւն,  
 Հոգւով էր որ խօսեցանք  
 Գեղեցիկ լուսնին տակ:

1871, Ապրիլ.

Ա Ռ Տ Է Ր Ռ. Յ. Պ Է Ր Պ Է Ր Ե Ա Ն

ՃԵՄՔ Ի Ք.

Զով են այերք, երկինք են զով.  
 Եկ, մէկտեղ շրջինք.  
 Դալար ափունք, եւ հեզ է ծով.  
 Ճարակին խաշինք.  
 Լըսես մօտերն, լըսես զխոխոջ  
 Վըճիտ առուակին.  
 Հրաւիրէ զմեզ որ յամայւոջ  
 Ժուռ դանք առանձինն:  
 Դիտէ հեռին, ո՛վ մտերմիկ,  
 Տես, ինչպէս ծովը  
 Անծայրածիր՝ դգուէ մեղմիկ  
 Լոյս հորիզոնը.  
 Նըման թեւոց մեր հանճարին  
 Անգօր, երկրաքարչ,  
 Որ առաւիր գրկել ճգնին  
 Զանձանօթն սշխարհ:  
 Ամպերուն մէջ տեսնես թռչել  
 Յինն բարձրաթըռիչ,

Որոյ հաղիւ կարենք լըսել  
 Ըզնըւաղ սըռիչ.  
 Ո՛րպէս նըման է հէք մարդոյն  
 Որ ընդ մէգ կենաց  
 Դեզերելով՝ հուսկ երերուն  
 Հեծէ զիւր հառաչ:  
 Կանգ ա՛ռ սակաւ, ոտիցըդ տակ՝  
 Ծաղիկ մի կայ հոն.  
 Գարուն մանուկ եւ սիրունակ  
 Նետեց զայն ի ձօն.  
 Մի թէ ճմլէս զայն տարածամ,  
 Բաղենք զայն սիրով.  
 Մեր կեանք թէ եւ ծով դառնահամ,  
 Ունին ժպիտ գորով:

\* \* \*

Զով են այերք, երկինք են զով.  
 Մոռանանք զաշխարհ.  
 Բարձրացուր սչքդ, դիտենք ուշով  
 Զերկին ամպածրար:  
 Ո՛չ արեւ կայ, ո՛չ ալ լուսին  
 Նոցա մէջ այժմիկ.  
 Կարենք անվախ զննել լսին  
 Կապոյտ այդ երկինք:  
 Գիտես, աստ, ո՞ բարձրացոյց  
 Զայդ վըսեմ կամար.  
 Ո՞ր ձեռն անհուն՝ մեծակառոյց  
 Գըծեց զայդ կոպար,  
 Որմէ ի բաց չըկայ ելնել  
 Ո՛չ արեգական,  
 Եւ ո՛չ լուսնին արհամարհել

Զիւր ծիր բացական :  
 Եւ այն գնդերըն ահագին  
 Ո՞ ցանեց , ո՞ սք ,  
 Իբրեւ սերմունք զորս մըշակին  
 Սրսկէ ձեռն անհոգ :  
 Ո՞ տար ինձ , ահ , անհուն թեւեր  
 Որ զիս տանէին  
 Ընդ ոլորտըս երկնից յեթեր ,  
 Ի խնդիր էին :  
 Տեսնէի թէ ո՞ւր կը յանգի  
 Տիեզերաց դիր ,  
 Կամ լուսաւորքըն այդ երկնի  
 Երբեք չե՞ն սպառիր :  
 Բայց ո՞ւր երթամ . միայն խորհուրդ  
 Այդ անվերջութեան  
 Ճմլէ զմիտս իմ որ , անյագուրդ ,  
 Վայր անկնին կործան :

\* \* \*

Զով են այերք , երկինք են զով .  
 Թողունք մեք զանհունն ,  
 Որում հասնել իւր նայուածքով  
 Ներուած չէ մարդուն .  
 Ի՞նչ փոյթ է մեզ որ ի նանիր  
 Վաստակինք յաւերժ  
 Կորզել գաղտնիք մի մըթածիր ,  
 Ոյր ծայրն է անվերջ :  
 Թող որ մտքով մեք ընկղմինք  
 Յոր զմեզ սլատեն շուրջ ,  
 Ծով , ծառ , ծաղիկ , բոյր , արեւ , սիւք ,  
 Երկոյն , աշալուրջ :

Թող հեղ մրմունջ այդ ծփանաց ,  
 Զոր լըտենք հաղիւ ,  
 Որրէ զհողի մեր վշտազգեաց  
 Ի նըւագս աղնիւ :  
 Այդ մանր ալեաց ճողբիւնին մէջ  
 Ողբ մի գիտեմ ես ,  
 Զոր ծովուն գիրկը յելեւէջ  
 Հծծէ մերոյն պէս .  
 Անհուն կարօտ զոր մէն մի մարդ  
 Ի կուրծս իւր ըզգաց ,  
 Զոր հողմ , ալիք , անտառք , հող , վարդ  
 Ըզգան անձկայրեաց :  
 . . . . .  
 Կարի զըւարճ են այս վայրեր .  
 Թող որ , լուռ եւ մունջ ,  
 Դիտենք անոյշ բնութեան ըզսէր ,  
 Զհամբոյր եւ ըզփունջ .  
 Անցնեն , անցնեն այս օրերն ալ .  
 Պարզ են արդ երկինք ,  
 Վաղիւ , գիտեմ , մութ , ողբ եւ լալ  
 Լինին մեր բաժինք :

1875, Յունիս .

Վ Ա Ր Գ Մ Ի

Հանդիր, ծաղիկ, հանգիր սրտիս ի վերայ .  
 Ասա ինձ, սհ, զոր ինչ սէրն իմ քեզ ասաց :  
 Ի յեղիւսեան բուրաստանսըն այն մննահ  
 Է՞ին ծաղկունք նրման քեզ, վարդ սիրազգեաց :  
 Ասա, եւ սէգ աղմուկք սրտիս լուսեցեն .  
 Ասա, ւ՛ աշխարհ համբուն կացցէ քեզ ի լուր .  
 Յահեղամուունչ սահանա, յալիս ամսլածուէն  
 Դադարեցցին խոխոջք, միմունջք ընդ հանուր :  
 Տես, հոգի իմ կայ առկախեալ շուրջ ըզքեւ,  
 Ի լուր քոյին գեղամիմունջ, կենսատու .  
 Ասա, զի՛նչ քեզ, զի՛նչ հծծեցին հեւ ի հեւ  
 Այն կարմրալար շրթունք, ծխածանք սուրբք երկու :  
 Զի՛նչ, առ բնաւից անլուր դուր, իմ Հէփտիւր,  
 Զքեզ ի շրթունսրն հըպելով սիրավառ,  
 Ասէր ցըքեզ՝ պատմէր արդեօք ըզսէր իւր,  
 Կամ ըզշունչ իւր տայր ինձ բերել հողմավար :  
 Մերձ ի սիրտն այն կայիր, իմ վարդ, ինձ պատմեա  
 Զի բաբախէր երազ երազ եւ խըռով,  
 Երբեք երկեան ի վըշոց քոց անխընայ,  
 Կամ առ ոչինչ գըրէր զնոսա իւր գորով :  
 Ուստի՞ ձեռք իւր քաղցեցին զքեզ . ի պարտէ՞զս,  
 Կամ ի յերկնից անկար մատանցն ի վերայ .  
 Ա՛հ, ի թերթըս քո դիտեմ այնքան քարտէզս  
 Զոր շունչ բնութեան բերէ սիրոյն հաւատչեաց :  
 Այլ դու մի՛ զիս, երբէք, վարդ, մի՛ թողուցուս .  
 Դու յայսմհետէ միակ ընկեր իմ ես դու .  
 Ըզքեւ սիրա իմ յեղյեղեացէ ալլուս,  
 Կիսոյն հոգւոյս նըւէր, ս՛վ վարդ սիրարկու :

Հ Է Փ Տ Ի Ի Ր Է՛Ս

Թող որ սրտիս անձկանացը համեմատ՝  
 Քանի մի բառ քո աչերէն հարցընեմ,  
 Զի մի դուցէ քիչ ատենէն յուսահատ  
 Կեանք մի դառնայ իմ կեանքն արդէն ամաղէմ .  
 Զիս դու սիրես,  
 Հէփտիւրէս :  
 Թէ գեղաղէմ Բեսարոս զրկէ իւր շողեր  
 Ծաղկածեմիկ ի բուրաստանս վէտ ի վէտ,  
 Կամ իւր ճաճանչք յորժամ խաղան լուսահեր  
 Հողմասարսուռ լերանց, ծովուն, մարգաց հետ,  
 Զիս դու յիշես,  
 Հէփտիւրէս :  
 Կենաց խոկուն ժամըն եղող երեկոյն  
 Երբ աստղերովն արշաւէ մութ երկնից վրայ,  
 Եւ հանդարտիկ երբ զիչերուան մեղմ դշխոյն  
 Ճեմ առնու հոն եւ ճըգէ շողս բիւրեղեայ,  
 Զիս մըտածես,  
 Հէփտիւրէս :  
 Երբ բարեկամք եւ քոյիններդ քեզ մօտ են,  
 Եւ խօսիք դուք, ու ծիծաղներ կան եւ խինդ,  
 Երբ վերջապէս կենաց հոսանք զքեզ պատեն,  
 Եւ յուշք հեռուն կան ի յերեր, ցան եւ ցինդ,  
 Զիս մուցած չես,  
 Հէփտիւրէս :  
 Թէ պէտք լինի մեզ մեր տունէն բաժնըւիլ  
 Քիչ ժամանակ, որպէս զի՛րեար մեք տեսնենք,  
 Կամ թէ սոխակն անդր ի պըրակս ծաղկածիլ  
 Զմեզ հրաւիրէ որ իր երգերը բաժնենք,  
 Հոն գալ կուզես,  
 Հէփտիւրէս :

Թէ չէ լինին մերթ անհամբոյր դիպուածներ  
Որ կարող են արդեւ կանգնել քո առաջ .  
Ասա , արդեօք սիրտ քո արօր մի նըւէր  
Ուրիշի մի , կամ բաբախեց սիրատանջ .

Ինձ դու չասես ,  
Հէփախերէս :

Կայ հոգւոյդ մէջ արդեօք տեղ մի դեռ պարաս  
Ձոր կարող չեմ բոլորովին լեցունել ,  
Միթէ եղան ուրիշ հանդոյցք պնդակապ  
Որ բաւեցին կաշկանդել քո սրտին թէլ .

Չարտասանես ,  
Հէփախերէս :

Այլ ո՛չ . . . երբէք չը տաս ինձ՝ դու պատասխան ,  
Բարի կամ չար , բայց որ այդքան ուշացաւ .  
Կասկածիմ թէ բոլոր յոյսերս փուճ դառնան .

Այլ գիտցիր որ , միշտ եւ ի խինդ եւ ի ցաւ ,  
Դու իմ միտքս ես ,  
Հէփախերէս :

1875, Յուլիս .

Մ Տ Ա Մ Է Ձ Ի Ս

Մըտածէ զիս , յորժամ երթաս դու ննջել ,  
Եւ մատներով քնքոյչ մազերդ ժողվելով ,  
Բարձիդ վերայ դընես գլուխըդ ի հանգչել .  
Քո շուրջ թուշին ժլախաք , լոյս , սէր եւ գոյով :  
Քաղցր ըլլայ նինջդ եւ խաղաղիկ երազներ  
Մըտացըդ շուրջ գընան սահին հոյլ ի հոյլ .  
Իմ յիշատակս արտասուաց չէ հըրաւէր .  
Ես թշուառ եմ , այլ դու արցունք մի՛ հեղուր :

Մըտածէ զիս , թէ պարտեցը դու շրջիս ,  
Եւ շողք , բուրմունք , գողտրը երգեր դքեզ պատեն .  
Գիտցիր , յայնժամ ծաղկունք չը կան իմ չորսդիս ,  
Այլ աշխարհը մի անապատ է անչէն ,  
Եւ մինչ թերեւս դըւարթ սրտով դու քաղես  
Փունջ մի , աւանդ , տիեզերքը ես դիտեմ  
Շիջուտ աչօք , որ չեն տեսներ այլ ըզքեզ  
Եւ ամեն կողմ վըհեր տեսնեն սեւագէմ :

Մըտածէ զիս , երբ ձիւն եւ սառ ցրտասփիւռ  
Իրենց տուները հալածեն անցորդներ ,  
Եւ երբ ուրախ խարուկի մը շուրջն , Հէփախեր ,  
Դու եւ քոյինք նստած , դիտէք դուք ձիւներ :  
Յայնժամ աղքատն , ոյր ձեռք սառած են ցրտէն ,  
Դուռը բաղխէ . դու , գըթասիրտ , ողորմիս .  
Ա՛լ խեղճ եմ ես . նորա հանդերձքն են ի ծուէն ,  
Այլ իմ սիրաբն . գըթա ինձ եւ յիշէ զիս :

Մըտածէ զիս , երբ ննջելէ դու զարթնուս ,  
Եւ զով մտքուր մըտածումներ դքեզ պատեն .  
Առաւօտը սէր ու կեանք տայ ամենուս ,  
Այլ իմ համար ո՛չ սէր կայ , ո՛չ կեանք արդէն .  
Եւ իմ զարթնուլ նորէն մուտք մ'է ի տանջանս ,  
Աչերս բացուին արտասուելու քո համար .  
Այսքան ողորմ վիճակիս դու ո՛չ գըթաս .  
Ձը՛ բաւեր որ այսչափ ինձնէ հեռացար :

Մըտածէ զիս , երբ ոտք ի պար , սիրտ ի թինդ ,  
Կաքաւես դու , եւ դաշնակին մատուըներ  
Շոյեն ականջդ , վարեն քայլերդ եւ մարմինդ :  
Մինչդեռ քեզ հետ պարեն աղկունք գեղահներ ,  
Յայնժամ ես , հէք եւ միայնակ , քարախզին  
Խօսիմ ցաւերս , կամ աչքս ի զուր ես փակեմ .  
Դառն յիշատակք մըտացս վերայ , ո՛հ , դիզին ,  
Եւ քունն փախչի , երբ մոռանալ դքեզ խնդրեմ :

Մըտածէ՛ցիս, երբ ընդ աղջկունս թեւ ի թեւ  
 Երջագայիս աստեղազարդ գիշերով.  
 Մինչ դուք դիտէք լուսինն ամպոց տակ թեթեւ,  
 Ես քայլերքս դողդոջ ուղղեմ դէս ի ծով.  
 Նորա եզերքը ես կանգնած, դալկադէմ,  
 Սիրտըս դառնն յուզմամբք լցուած,  
 Եւ շիրիմ մը խոր անդընդին մէջ դիտեմ.  
 Մահ գիս կոչէ. բայց զքեզ թողնու... դըթար յիս:

1872, Ապրիլ.

ՄԻՆՅԵԻ ՅԵՐՐ

Մինչեւ ցերբ, ասա, Հէփաիւրէս,  
 Պիտի տանջիմ քո սիրով.  
 Եւ դառն հառաչանք ի սրտէս  
 Պիտի թուչին հուր անձկով:  
 Մինչեւ ցերբ լուսին եւ աստղեր  
 Աղօս ցոլեր արձակեն  
 Իմ չորս դին, իբրեւ խենդ հուրեր,  
 Որ խաւար, ո՛չ լոյս առթեն:  
 Մինչեւ ցերբ քեզնէ հեռացած,  
 Մոլորին միտք իմ թշուառ,  
 Եւ հոգիս ողորմ, վայրայած,  
 Թափառի յսութըս կարկառ:  
 Մինչեւ ցերբ, սրտիս իմ հատոր,  
 Ի դուր թուչունք ճռուողեն  
 Ասեւ խեղճ գլխուն իմ որոր,  
 Եւ ես անքուն երազեմ:  
 Մինչեւ ցերբ տիրէ բաժանումն.  
 Չէ՞ որ օր մի խոստացար

Չը դատուիլ ինձնէ. քո խոստումն  
 Ո՛հ, ինչո՞ւ շոյտ մոռացար:  
 Մինչեւ ցերբ ծաղկունք գեղեցիկ  
 Մատներովս միունջ չը դառնան,  
 Որպէս զի զնուա, հրեշտակիկ,  
 Նըւիրեմ քեզ ես դարնան:  
 Մինչեւ ցերբ աչերդ հըրավառ  
 Սառած սիրտս չը տաքցունեն,  
 Եւ միտք իմ, թեւով սիրահար,  
 Թուչին առ քեզ հեռիէն:  
 Մինչեւ ցերբ անշէջ արեգակ  
 Մարմանդաց վրայ դեղամած  
 Կամ ծաղկանց շուրջն անուշակ,  
 Չը տեսնէ զմեզ միացած:  
 Մինչեւ ցերբ...: Աւա՛ղ, ես կարծեմ  
 Թէ աշխարհէն մինչ երթամ,  
 Մինչ ողիքս լքեալ, օդածեմ,  
 Փախչին յինէն յաւիտեան:

1873, Յունիս.

ԱՌ ԼԵՒՈՆ ՍԵԹԵԱՆ

ՈՐԲ, ՈՐԲ

Մատաղ տիրոց խընամարկու  
 Հազիւ, Լեւոն, ունեցար.  
 Եւ զերդ թուչնիկ զոր իւր հայր մայր  
 Երբ խնամէին սիրարկու,  
 Յահեղազոս մի փոթորիկ  
 Կորուսեցին եզկելին,  
 Եւ երբ իւրմէ հեռի գնացին,  
 Խեղճը մընաց հոն մենիկ.

Եւ դու, հէք որբ, զուրկ ի խնամոց  
 Գորովագութ քո ծնողաց,  
 Որք այնքանիցս վերայ ծնգաց  
 Շինեցին քեզ որորոց,  
 Ի զուր խնդրես զնոսս հեռուստ.  
 Բարէ, գնացին այն տեղը,  
 Ուր չարն, ինչպէս որ անմեղը,  
 Պիտի մեկնին անփախուստ:  
 Աչերդ տըկար արցունքներով,  
 Մի սենեկէն դէսլ ի միւս  
 Դողդոջ ոտքով ի զուր ոստնուս  
 Աղէխորով նայուածքով.  
 Զըլան անոնք, խեղճ, որբ մանկիկ.  
 Յաւեր ի սիրտ, դիմեցին  
 Սեւ հողուն դիրկ, ուր առանձինն,  
 Հեռի, ննջեն խաղաղիկ:  
 Մի թէ մոռնաս դու այն տեղեր,  
 Ուր լաւ յիշես թէ տեսար  
 Զնոսս երբեմն, ինչո՞ւ համար  
 Ձնջուի նոցա յուշ եւ սէր:  
 Ահա, տես, տես, հողմունք ամրան  
 Կը ծածանեն զվարագոյր,  
 Որոյ ետին մայրդ հեղձամբոյր  
 Յաճախ գործէր ի ձմրան:  
 Դեռ թաւիչի մի սլատառած  
 Բարձի մ' ետին կայ մինայ,  
 Ուր ի խնամոցն իւր յարակայ  
 Վրիպած է եւ մուցըւած:  
 Տես, դեռ հող կայ այն նստարան,  
 Որոյ վերայ հայրդ յոգնած  
 Յաճախ բազմէր, եւ իւր ձեռաց  
 Տայիր համբոյր սիրական:

Հայելին ալ դեռ կախուած է.  
 Ո՛ւր էր թէ մօր քո սլատկեր  
 Հիմա նորա մէջ տեսնուէր.  
 Այդ ամենն աւերուած է:  
 Ո՛րբ, ո՛րբ, հէհ, մայրդ չէր մըտածեր  
 Թէ որբ սլտի լինէիր  
 Այդքան մատղաշ. չէ, առաւիր  
 Դու լաս, արցունք մի թափեր...:  
 Թէ կարէիր, լեւոն, տեսնել  
 Վերջին անգամ մ'ալ զքո մայր.  
 Թէ յուսայիր որ մեղմաբար  
 Գգուէր մազերդ սեւաթել...:  
 Այլ, ո՛հ, անդարձ է այդ կորուստ,  
 Եւ յաւիտեանս զիւր մարմին  
 Ընդ թանձր հողով գերեզմանին  
 Պիտի ծածկէ սեաւ թաքուստ:  
 Անագորոյն ճակատագիր,  
 Զէ՞ որ քո մայրը թշուառ  
 Պարտէր տեսնել հասակդ կայտառ.  
 Որբ ես, աւաղ, սեւ ազիր:  
 Ո՛րբ, ո՛րբ. ճակատդ խոնարհեցուր  
 Շիրմին վերայ քո ծնողաց.  
 Ողբալ միայն քեզ մինայ, լո՛ց.  
 Գլուխդ յայդ վէմեր հանգչեցուր:

ՀԵՌՈՒ ՄՆԱՅԻՐ

Աղուոր աչերդ մոլար հոգիս սընուցին .  
 Քեզ նայելով ծանօթ եղայ դեղեցիկին :  
 Կարմիր շրթերդ տային ինձ օդ կենսատու ,  
 Երբ թեւ ի թեւ դուրս ելնէինք ժուռ դալու :  
     Բայց ինչո՞ւ այսչափ , Հէփտիւր ,  
     Ինձնէ հեռու մընացիր :

Քեզ հետ անցած մէն մի վայրկեան անհունն էր ,  
 Քո մի խօսքըն անեզր հրճուանք ինձ ազդէր .  
 Մի տեսութիւնդ հարիւր օրեր թափառիկ  
 Ի քարշ ածէր իւր ետեւէն զիմ սրտիկ :  
     Միտքս ու յուշերս ցրուեցիր .  
     Ինչո՞ւ հեռու մընացիր :

Լեռներ , դաշտեր ինձ անծանօթ արդ բացուին  
 Խեղամոլար մըտածութեանցըս առջին .  
 Զքեզ որոնեն խոնջ նայուածքներս անդադար .  
 Առանց քո մի անհուն քառս է աշխարհ .  
     Եւ տակաւին չէ՞ս ցաւիր  
     Թէ շատ հեռու մընացիր :


Գըթա , մօտերս եկ դու տեսնել զիմ ցաւեր .  
 Մի նայուածքովդ բուժէ խոցերս կարեւլէր :  
 Դողդե՞ղ , լըսեմ քո վեհ բարբառ կենսասփիւռ ,  
 Զոր ընդերկար չեմ լըսեր ես , իմ Հէփտիւր :  
     Եկ դու , ս՛վ կոյս սիրալիր .  
     Ալ բաւ հեռու մընացիր :

Եկ եւ պատմեմ քեզ տանջանքներս , երբ մենիկ  
 Մընացի ես հեռի քեզնէ , յոյսդ քաղցրիկ .  
 Մատուներդ զոր մերթ պաշտող շրթերըս պագին  
 Սրբեն արցունքս , ի սիրտս յուզեալ թող հանգչին :  
     Եկ , ս՛հ , ինձ չէ՞ս կարեկցիր .  
     Ալ շատ հեռու մընացիր :

Թող ձեռքդ ի կուրծքս եւ գլուխդ ի յուսս հանգչեցնեմ  
 Եւ հեռուէն դիտենք զաշխարհ ամպաղէմ :  
 Լըսէ սրտիս բարախմուկք . ի՞նչ տարբեր  
 Ո՛հ , հնչէին . այլ արդ զուրկ եւ անհամբեր ,  
     Հարցնեմ անխոնջ , անձանձիր ,  
     Ի՞նչու հեռու մընացիր :

Ինչպէս պատառք անդնդավէժ սահանաց  
 Ժայռից վերայ գահավիժին ի բարձանց ,  
 Նոյն շառաչմունքն անկան ի սիրտ իմ նըսեմ ,  
 Երբ անգութ նաւն հեռացոյց զքեզ տարաղէմ .  
     Եւ անողորմ շառաչք իւր  
     Ըսին , « Հեռու մընացիր : »

1873, Հոկտեմբեր.



Ա Ռ Ա Ր Ա Յ

Պ Ա Տ Ա Ս Խ Ա Ն Ի

Եւ սակայն նա պիտի սատ . « Վայրապար  
 Ըզքեզ յուզէ այդ փըշալից առապար ,  
 Զոր կեանք կոչէք , խեղճ մահացուք : Անվրդով  
 Ապրիմ այս կեանք , զոր խնաստուն խորհրդով  
 Երկին կամ բազդ , որպէս կամիս , հանեցին  
 Բարբերաստիկ եւ սէգ գլխոյն իմ բաժին :  
 Ա յո , անհոգ եւ երջանիկ ապրիմ ես  
 Մեծութեանց մէջ , մինչ սուգ , ցաւեր աղեկէդ ,  
 Զերդ ամպասփիւռ մըռայլ մըթին եւ խաւար ,  
 Շըջապատեն շատերն աղքատ եւ չըւստ :  
 Ա յո , պէտք են ինձ գոհարներ եւ սկանք ,  
 Աղամանդներ եւ մարգարիտք պատուականք .

Եւ բեհեղեայ պէտք են ինձ նուրբ շղարչներ ,  
 Շողորորդել իմ զգայարանք . ոսկեհեր  
 կամ թըխտալանձ աղջկունք եւ հարճք եւ նաժիշտք .  
 Արուեստականք , դաշնակաւոր երաժիշտք .  
 Ապարաններ պէտք են , քերթող , հոյակապ ,  
 Որոց տեսիլ քո միտքն առնէ ուշաթափ .  
 Եւ մեծաքանչ պէտք են տուններ եւ դըրախտ ,  
 Յորս իմ օրեր ես անցունեմ բարեբախտ .  
 Եւ անտառներ անծայրածիր ընդարձակ ,  
 Ուր որսականք սրարչաւ վազեն համարձակ .  
 Եւ պէտք են ինձ կառքեր , ճիւղեր եւ նըժոյգ ,  
 Եւ մանկլաւիկք եւ ծառայներ իսկ առոյգ ,  
 Որ ակնարկիս մընան ուշով , հըլութեամբ ,  
 Եւ տաղտուկի թէ գիս պատէ մըթին ամպ ,  
 Փութանակի յարգարեն ինձ մեծ խնջոյք ,  
 Ուր ընդգրկել , շոյել գիս դան բիւր հաճոյք ,  
 Ուր մեծահաց յետ սեղանոյն , դիւթական  
 Պար եւ կաքաւ խելամուլար շուրջ հիւ գան ,  
 Մինչեւ այգը վարդակարմիր , շտուգոյն  
 Ջահերուն հետ առնէ այտերն այլ դժոյն :  
 Եւ մեղր հոսեն յայնժամ շուրթերն իմ հարձին ,  
 Որ երբ արվւոյն հատանին շողք առաջին ,  
 Հանդէսեցունէ կուրծիս իւր գլուխ սչկահոտ... —  
 Այո , քերթող , բազմաց կեանքն է մահահոտ ,  
 Գիտեմ արդեօք , եւ արեգին այդ ներքեւ  
 Բազումք տանջին տարաբաղդիկ անպարդեւ .  
 Նոցա աշխարհ խաւարչըաին զնդան  
 Յուրտ եւ խոնաւ , ուր թշուառները զոփան .  
 Անպատմելի անլուր մահեր ամեն օր  
 Բանան նոցա դերեզմաններ նորանոր .  
 Եւ անցեալ օր փողոցներուն մէջ տեսայ  
 Մի բոկոտըն աղջիկ հազիւ տասնամեայ ,

Ոյր ցնցոտիք , քերթող , հազիւ ծածկէին  
 Անպատըսպար իւր մերկութիւնք կուսային :  
 Ո՞ւմ փոյթ սակայն . մի երջանիկ մարդ եմ ես ,  
 Նոքա՞ դժբաղդ . յանցանք այնմ է որ տայ մեզ ,  
 Հուսոյ , կենաց եւ անձրեւոց հետ միասին ,  
 Խինդ եւ ծիծաղ ոմանց , այլոց ցաւ բաժին :  
 Եւ ծերացեալ , ապառուս է իմ հոգի ,  
 Ուր չեն մտներ բնաւ զգացմունք կաթոգի :  
 Ապրի դըրամ . այլն ինձ ի՞նչ փոյթ . սուղ են կեանք ,  
 Եւ երբ դիտեմ իմ պարտէզներ լապարանք ,  
 Որ բարձրաբերձ եւ դէզադէզ վեր կանգնին ,  
 Հովանաւոր ժեռերս , ուստի վայր անկնին  
 Ջըրոյ ցայտեր կարկաջահոս , արծաթեայ .  
 Կամ երբ տեսնեմ իմ ոսկեփայլ , շափիւղեայ  
 Կահ եւ կազմած , եւ այն նիւթերն ամենայն  
 Որք ի ճահ իսկ պարարեն իմ որովայն ,  
 Եւ սչքերըս սադրեն , ականջս հրապուրեն ,  
 Յաւիմ թէ շատ վաղ այսոքիկ համօրէն  
 Գտնեն վախճան եւ թէ որչափ լաւ լինէր ,  
 Եթէ մարդկան կեանքը հազար ամ տեւէր :  
 Եւ բաց աստի , ասա , քերթող , ո՞վ երբէք  
 Գիտաց վաղիւն : Ապուշ , տրգէտ , խեղճ ու հէք  
 Անկած է աստ մեր մարդկութիւնն անոքիկ .  
 Երանի՛ այնմ որ վայելէ . վսյ այնմիկ  
 Որ այս տարտամ աշխարհիս մէջ չունեցաւ  
 Այլ ինչ իւր բաշխ , բայց մերկութիւն , վիշտ ու ցաւ :  
 Այս բառերուն ի՞նչ պիտի տանք պատասխան ,  
 Ո՞վ իմն Արայ : Դուքս , կոմս , մարքիզ կամ իշխան ,  
 Այսպէս ամեն մեծատուններ մըտածեն .  
 Այս են ահեղ այն խորհուրդներ զոր տածեն  
 Իւրեանց զառամ ուղեղին մէջ ցրտազգած .  
 Եւ մինչ խորհողն յառէ բիրեր վշտազգած

Այս անողորմ իրաց վերայ եւ յողոց  
 Հանէ, աւսոյ, ի տեսիլ այսքան ցաւոց,  
 Մինչ դուք, քերթողք, ապերձանիկ ուխտաւորք,  
 Որ Աստուծոյ այս եղեմին բազմահոգ  
 Յայց էք ելած եւ դառնութեամբ սլատարուն  
 Սիրտեր կըրէք ներքեւ ձեր հէք կուրծերուն.  
 Որ յար կայլակ մ'ունիք, կայլակ մ'արատաւոր  
 Ձեր լուսայեղց աչերուն մէջ բաղմասուդ.  
 Որոց տարբեր են տեսութիւնք եւ խորհուրդ,  
 Եւ ոյց տարբեր իմն երեւի այս կեանք ցուրտ.  
 Մինչ դուք ողբաք կրկին լալիւն, մին խեղճեր,  
 Միւսն անողորմ մեծատուններն աննըւէր.  
 Աւսոյ, Արայ, թոյլ տայ Աստուածն ամենուն,  
 Ձոյր դողութեամբ կարգացի միշտ ես անուն,  
 Թոյլ տայ Աստուած որ մեռնին ճոխն եւ աղքատ,  
 Մին իւր քաղցէն, միւսն վայելքէն յորդաւատ:

1882, Փետրվար.

ԱՌ ՍԱԹԻՆԻԿ ՊԷԿԵԱՆ

Յաճախ երթաս ժուռ գալ սարաէզն. որմոյն կից  
 Մի այլ սարաէզ կայ դալարեօք ախաղճուն,  
 Մարգրխտ-ծաղկամբք եւ նունենեօք սարադիծ,  
 Երկինքով լեցուն:  
 Այժըմ լուսթիւն չիրմի տիրէ անդանօր.  
 Այլ երբեմն էր զի մանկական ճիշերով  
 Լի էր տեղին, եւ անդ կեանքեր նորանոր  
 Ծլէին անխըռով:

Մանկամարդ մայր մ'իւր որդեկաց ուսցունէր  
 Քայլելու հեա՝ երկին նայել առ Աստուած,  
 Աստուած ոյր միշտ լընուին շողք լուսահեր  
 Ներա սուրբ նայեաց:  
 Թռչունն անոյշ ճայներ ունէր սրտագրաւ.  
 Նորանըան էին ծառոց սօսախիւնք.  
 Եւ անծանօթ իմն երգէին անդ կարգաւ  
 Բիւր դաշնակուծիւնք:  
 Բոյն մ'էր կախուած ընդ մէջ երկրի եւ երկնից,  
 Եւ լոյսերու մէջ փայլիլէր սիրական.  
 Մըթին հովեր փրչեցին յայդ բոյն ամբիծ,  
 Ըրին ցիր եւ ցան:  
 Երբ ոսկեհեր գլուխըդ այն կողմ դարձունես  
 Եւ տեսնես զայն յիշատակաց սրբաւայր,  
 Եւ հարցնես դու հօրկանդ, «Ո՞ր է այդ սարաէզ»,  
 Յիշէ դու զիմ մայր:  
 Յիշէ ըզնէ. մատաղ էիր դեռ այնչափ  
 Որ քեզ ծանօթ չէին ծնողքդ իսկ սիրակաթ,  
 Եւ նէ ոյր սիրտն ունէր առ քեզ սէր անչափ,  
 Պագնէր քո ճակատ:  
 Եւ ըզմայլէր աղուոր ծաւի աչերուն  
 Ձոր բանայիր մեծ մեծ տեսնել դայս աշխարհ,  
 Եւ մաղթէր քեզ ասպագային մէջ, հեռուն,  
 Օրեր լուսավառ:  
 Անհուն սիրով սիրեցի զնէ, Սաթինիկ.  
 Ահա ինչո՞ւ հրդեհ անկաւ մէջ հողուոյս,  
 Դարձուց աւեր եւ մընացի հէք, մենիկ,  
 Ձի գնաց աչքիս լոյս:  
 Ամեն անգամ երբ անցնեմ մօտ սարաթիզին,  
 Անհուն արցունք մի դառնայ սիրտ իմ թշուառ.  
 Հուր թախիծով ոգիքս յանկարծ հրկիզին.  
 Հեծեմ, «Ո՞ւր ես, մայր»:

Այլ բաւ են ողբք. թող չը տրտմին քո աչեր .  
Զըւարթ եղիր եւ երջանիկ զերդ թռչունն ,  
Որ ոստոստէ եւ այլ ինչ չի ճանաչեր

Բայց երգ , խնդութիւն :

Եւ երբ երթամ ես առ մայր իմ սիրախանձ ,  
Եւ իմ տեղը այլ եւս խնդրեն վայրապար ,  
Ասա դու քեզ . « Ահա մէկն որ չախագանց

Սիրեց իւր խեղճ մայր » :

1878, Յուլիս .

Ա Ռ Տ Է Ր Ե . Տ Է Մ Ի Ր Ի Ք Ի Պ Ա Շ Ե Ա Ն

ԽՈՍՏՈՎԱՆՈՒԹԻՒՆՔ

Յիշէս , եղբայր , դեռ սպտանի էինք մատաղ  
Եւ խորշոմներ չունէին դեռ սիրաք մեր , աւսող ,  
Յիշէս , որ մի պարտէղին մէջ տանդ հայրենի ,  
Զոր մի անոյշ դրախտ գործէին բիւր վարդենի ,  
Ծառուղեաց մէջ որ մի անցանք , անցանք կրկին :  
Առաւօտ էր , որպէս կենաց մեր խնդազին .  
Այլ անորիչ թըւէր հողեր թեւածեւ շուրջ  
Մեր տարաբազդ գըլուխներուն զոր աշաւուրը  
Նորազարթիկ հազիւ պճնէր թագապըսակ ,  
Զի բաւական վեր չէր յայնժամ դեռ մեր հասակ :  
Ինչ խօսէինք ոչ եւս յիշեմ . այլ իմ հոգին  
Անձկակարօտ , այլ երկչոտ բան մ'էր տխրագին  
Քո մեծ անձին առաջ , յորում կիսով ըզգար  
Ընդ աղօտ իմն անդորր , այլ վեհ լոյս սիրաւառ :  
Եւ շրջէինք , եւ ասէի քեզ թէ պարտէղն  
Անոյշ տեսնել մ'ունէր սրտին իմ անձկակէզ :

\* \* \*

Յիշէս , եղբայր , ոչ շատ ամեր յառաջագոյն ,  
Օր մի գըտար զիս ընկղմեալ , մխեալ համբուն  
Զոյգ քերթողաց գրկերուն մէջ բազկատարած :  
Մին վերթէրի էր հեղինակըն հոգեզգած .  
Համէղին էր միւսն յորինիչ վեհալայեւ ,  
Որ հոգւոց մէջ վարդին ծիւ տայ , բուլն վայեւ :  
Յայնժամ խոհեր առանձնակի պատէին զիս ,  
Խոհեր անեզր եւ անպատում , իմ սիրելիս :  
Ամեն բանի զրաւ եղաւ իմ համար յայնժամ .  
Սիրելիներ կորուսած էր սիրոս ապաժամ :  
Երկայն , երկայն ժամանակէ ի վեր արդէն  
Լքեալ էի , իբր առանձինն , անապաւէն .  
Մերկ գտնէի իմ անձն յայս ցուրտ , ցուրտ աշխարհի ,  
Յորում ամեն կերպ դառնութեանց ճաշակն առի .  
Տիւ եւ գիշեր անհեղեղ բան մ'ինձ կազմէին ,  
Եւ ըզգայի թէ այլ եւս կեանք ինձ խաչ մ'էին ,  
Խաչ փըշագարդ , ծանրակըչիւ , որոյ ներքեւ  
Վայրապար խկ պիտի ճմէր կուրծս հեւ ի հեւ :  
Եւ զի ոչ մի յոյս ծիծաղէր անբաղդ հոգւոյս ,  
Եւ զի խանձող հուրեր զարկան ճակատն իմ կոյս ,  
Ի՞նչ ունէի առնել այլ եւս , եղբայր , ես աստ :  
Երկնի կապոյտն ուղղէի աչքն իմ չարաբաստ ,  
Երկնի կապոյտն որ այլ եւրս չունէր հրապոյր  
Շիջուտ , նըւաղ հայեացներուս մըթապարոյր :  
Եւ այսպէս դու եկար գտնել քո բարեկամ ,  
Այսպէս տեսար սիրոս ախտաժէտ եւ անխընամ :  
Այլ դու յայնժամ միթէ հոգւոյս տեսար խորեր ,  
Կամ կարգացիր խաւերուն մէջ սրտիս աւեր ,  
Որ զիս դժբաղդ կոչես այժմիկ , ո՞վ իմն եղիա :  
Միթէ թռչունն որ լոյս ամպոց մէջը խաղայ ,  
Կարէ տեսնել ինչ մահեր կան ալեկին տակ ,  
Որ լուսափաղէ վառի , այլ ոյր խոր է յատակ :

Ընդէ՛ր դժբաղդ ասես դու զիս . միթէ՛ տեսա՛ր  
 Թէ աստ քիչեր չարչարուեցան ինձ հաւասար :  
 Ընդէ՛ր դժբաղդ կոչես դու զիս . զիտե՛ս արդեօք  
 Վիչտերուս չափն , եւ զիտե՛ս թէ դառն արտասուօք  
 Ո՛րչափ անգամ հայեցայ 'նդ այս սըգոյ հովիտ ,  
 Ուր ինձ եղիճ լինէր ամէն վարդ նորաիթիթ .  
 Եւ ասէի ինձ . « է՛ թշուառ , ի գուր յերկին  
 Բարձրացունես տրտում աչերդ կողկողազին .  
 Ամեն ցաւեր քո համար են , եւ լուսավառ  
 Արեւէն գուրկ , ցուրտ հողին տակ ննջէ քո մայր . . . »

\* \* \*

Ամարան օր մ'ինձ ասացին թէ դու երբեմն  
 Ոսկեղջիւրի խորն երթայիր , Պօլսոյ եղեմն ,  
 Եւ սիրէիր բարեկամաց հետ անդանօր ,  
 Հողմասարսուռ հովանւոյն տակ , ուր նորանոր  
 Թեւեր առնու ըզմայլ հոգին վեր բալձրանալ ,  
 Դիտել ալիքն եւ խոր երկին ծիածաւալ ,  
 Երկին գոր մարդ հազիւ տեսնէ ծառոց մէջէն ,  
 Որ սիւնազարդ գործեն տաճար մի բարձրաչէն . . . :  
 Ի՛նչ աղուոր է Քեաղբտ-հանէ . ի՛նչ աղուոր է  
 Ծառոց շրշիւն որ սալչած միտք մեր սրորէ :  
 Ի՛նչ անոյշ է թռչնիկներուն լըսել գեղգեղ  
 Բարձրազիտակ թմրեաց մեջն դալարագեղ ,  
 Կամ հինաւուրց կաղնւոյ բունին կարդալ վերայ  
 Մի թըւական եւ մի անուն . ա՛հ , ո՞վ է նա  
 Որ փորեց անդ այդ խուն տառեր խորհրդաւոր .  
 Ուրա՛խ էր նա կամ վշտակոծ եւ սըգաւոր .  
 Ոչ ոք զիտէ . . . : Ա՛հ , ի՛նչ քաղցր է մէջ ալեկին  
 Մեղմատատան նշմարել իւր սլատկեր կրկին ,  
 Եւ իւրեան մէջ ականջ դընել տարտամ ձայնի  
 Որ , սիւքէն ալ անզօր , նըւաղ , մինչ մեզ հասնի .

Լըսել հեռուստ թնդիւն տըկար զոր ապառնւոյն  
 Եւ անցելոյն հնչեն ուրուք միահաղոյն .  
 Տերեւներուն ետին Սապիով հողմասարսուռ ,  
 Վիրգիլ , Պինդար , Տանդէ , Յօրնազն այն սայրասուր ,  
 Մարգարէներ ամեն ազգի , ամեն դարի ,  
 Եւ քերթողներ դափնեպըսակ , հեզ այլ արի :  
 Զայսոսիկ բնաւ ընդնշմարել խորհրդաւոր  
 Անցնել , դառնալ մտքին առաջ , ահեղ , աղուոր :  
 Վայր մի ' մբռնել անհունութիւնն ամեն բանի .  
 Եէհովան ոյր մեր վրայ կոչենք աջն հովանի ,  
 Ովկիան ահեղ , սլատկեր թերեւս երկնի վըհին .  
 Նոր մարդիութիւնն եւ նըմա հետ տիեզերքը հին .  
 Անցեալ տարեաց է՛ ապագային ամբաւութիւն ,  
 Խոր արծագանգ , ոյր հազիւ մեք լըսենք թնդիւն :  
 Ակընթարթի մէջ ժողովել ամբաւ տենչեր ,  
 Եւ սէր փառաց , ունայնութիւն որ ցանգ տանջէր  
 Ամհամուղ սիրտեր , որպէս կեսարներուն ,  
 Ոյց աչք անշուշտ մտա տեսնէին կամ շատ հեռուն .  
 Կղէսպատրա համակարիք ընդ Սողոմոն ,  
 Աղեքսանդրը եւ , մեր օրեր , Նաբոլէոն .  
 Այս ամենուն զիտել անմիտ այն կերպարանք ,  
 Եւ ասել թէ այս է ամեն եւ այս են կեանք . . . :

\* \* \*

Այս խորհուրդներ անցան արդեօք քո հեզ սրտէն ,  
 Եւ ըզգացիր թէ կենաց իրք անխորհուրդ են ,  
 Երբ առանձինն աստղերուն տակ , բնութեան ի ծոց ,  
 Անվստահ կուրծ քո զայրութի վաւեց հուր բոց .  
 Եւ լըսեցինք քո թառանչներն , ազնիւ եղիա ,  
 Որոց ջերմ շունչ մեր սիրտերուն մէջ դեռ եռայ :  
 Տրտում աւաչ քո թրթռացուց սրտիս թեւեր ,  
 Զորս թրթռալէ անվերջ կսկիծն էր արգելեր .

Եւ էի ես որպէս մատնեալ քնոյ մահացու,  
 Ոյր գողտր հաւուն թօթափէ նինջ վեհ ալեւու:—  
 Զի դու կենաց տեսար անշուշտ մըթին երես,  
 Եւ դիտեցիր թէ այս աշխարհ է մի կրկէս,  
 Ուր գազանաց ձիրաններուն մատնեալ ամբոխ  
 Արեան աչօք ի վեր հայի, 'վայր փոխն ի փոխ.  
 Մինչ քանասար վագր, ինձ, առիւծ, կոկորդիլոս  
 Սրեն ատամներ ծըծել արիւն անսարտահոս:  
 Եւ դիտեցիր, երբ առաւօտ ծիրաներփնի,  
 Արիւնաղանգ մի վերմակի զի նըմանի,  
 Ոյր աներեր ծալերուն տակ բոսորավառ  
 Պիտի դարթնու կենդանի մարդն, այլ յոյժ չըւառ:—  
 Ահա ընդէր հրդեհ ձրգեց մէջ իմ հողւոյն  
 Քո ջայլն ազնիւ, տրտմահառաչ եւ բազմագոյն,  
 Եւ սիրոյս հետ զոր ի վաղուց ունիմ առ քեզ,  
 Յայտնեցի քեզ սրտիս վիճակըն անձկակէզ:  
 Աւաղ, եղբայր, որչափ ծանրը լինի մեր ցաւ,  
 Մարդկան սեռին համար վըշտով սիրտ իմ լըցաւ,  
 Եւ մոռացայ իմ աղէտներ բիւրասպատիկ,  
 Երբ տեսայ զնա այնչափ թշուառ լ' ասերջանիկ:  
 Դու կամեցար նըմա արցունք երբեմըն տալ.  
 Ես ընտրեցի դիտել աշխարհն, ապա խնդալ:

1881, Դեկտեմբեր.

Մ Ա Ր Ի Ա Մ Ի Կ

Քոյր իմ, զոր շիրմիդ միայն ի տապան  
 Ծանեայ սրտակէզ լ'ողբիքս դառնացան.  
 Քոյր, գեղածիծաղ Զուարթնոց դու ընկեր,  
 Դուստր անտիական, հրեշտակաց սատկեր.  
 Վաղաթառամ դու ծաղիկ,  
 Քոյր իմ հոգի, Մարիամիկ:  
 Ընդէր այդչափ վաղ թողեր դու ըզմեզ,  
 Սըլանալ յերկինս հողւոյդ անդր ի թեւս.  
 Զիւրդ, քոյր, մինչչեւ անցեալ զոյգ գարունք,  
 Թօշնեցան, աւաղ, կենացըդ ծաղկունք.  
 Գեղատեսիլ որդեկիկ,  
 Քոյր իմ հոգի, Մարիամիկ:  
 Ընդէր սէգ մահու անյագ գերանդի  
 Այլպէս տարածամ հնձեաց ի շիրմի  
 Ըզմարմնոյդ հասակ դեռ եւս մանկական,  
 Զոր լուսինք հագիւ դիտեցին քըսան.  
 Դեռափըթիթ շուշանիկ,  
 Քոյր իմ հոգի, Մարիամիկ:  
 Կամ ընդէր, եթէ հարկ էր քեզ զընալ,  
 Ոչ ինչ ինձ թողեր ի յուշս յագենալ:  
 Ծանիցես գեղբայր քո անձկակարօտ,  
 Ոյր հոգի նահանգս երկնից անաղօտ  
 Խնդրէ ըզքեզ թափառիկ,  
 Քոյր իմ հոգի, Մարիամիկ:  
 Դիտիցես, քոյր իմ, զի հրեշտակք ազնիւ  
 Յաճախ յիմ ննջել լընուն զիս ահիւ,  
 Յորժամ զհողմածուփ հանդերձս երկնային  
 Թողեալ անդ հողմոց, ի սնարս իմ կանգնին,  
 Եւ անդ հային ինձ մեղմիկ,  
 Քոյր իմ հոգի, Մարիամիկ:

Կարծեցի ըզքեզ տեսանել, քոյր իմ,  
 Ընդ ընկերքս քո, հրեշտակս եղեմին,  
 Յայց ելանել քում եզբօր սիրական,  
 Ոյր աչք միշտ յարտօսք վասըն քո թացան,  
 Եւ տալ ինձ յոյս անմեռիկ,  
 Քոյր իմ հոգի, Մարիամիկ:

Եւ զի յոյժ նըման էք ամենեքին,  
 Հարցի. «Ո՞ր ի ձէնջ իցէ իմ հոգին.»  
 Եւ հրեշտակքն ազնիւ. «Ոչ, յերկինս է նա.  
 Քոյր քո, ասացին, յերկիր ոչ եւս գայ».  
 Եւ զիս թողին հրեշտակիկք,  
 Քոյր իմ հոգի, Մարիամիկ:


Արդեօք յաւիտեան չքնաղ քո պատկեր  
 Ո՞չ երբեք տացէ ինձ վեհ քաջալեր.  
 Ո՞չ երբեք տեսից ըզքեզ, ո՞ր իմ քոյր,  
 Եւ ո՞չ փայլեսցի յաչս իմ քոյոցդ հուր.

Սիրահրաւէր դու մանկիկ,  
 Քոյր իմ հոգի Մարիամիկ:

Անձանօթ է ինձ վայրն ուր, սիրալիր,  
 Գտցուք մեք զիրեար ի թեւս բարձրաթիւս.

Այլ այժմ ահա ծաղկամբք գեղաբոյր  
 Պճնեմ ըզչիրիմն ուր ննջէ իմ քոյր,  
 Մօրն իմոյ դուստր անդրանիկ,  
 Քոյր իմ հոգի, Մարիամիկ:

1870, Յունվար.



Յ Ի Շ Ա Տ Ա Կ Մ Ի

Մանուկ էի տաս տարեկան, արդ յիշեմ,  
 Երբ երեկոյն, ճրագին առաջ լուսածեմ  
 Նստած, գըլուխս գրքին վերայ խոնարհած,  
 Կարգայի ես, եւ երբ միտք իմ վայրայած  
 Ա՛լ հոգնելով, վեր առնուի իմ աչեր,  
 Եւ ժպտէի նոցա որոց դուժ եւ սէր  
 Երանաւէտ մի դրախտ իմ շուրջ գործէին,  
 Եւ զորս յինէն համարէի անմեկին.  
 Երբ ժպտելէ յետոյ, աչերս անքըթիթ  
 Սեւեռէի անձանօթին, նորաիթիթ  
 Ես մի մանուկ, եւ ընդ երկար դիտէի  
 Այսպէս անհուն զարմացման միջ անյեղի.  
 Երբ թերեւըս հոգւոյս առաջ խուռներամ  
 Անցնէին ուխք կենաց ծովուն դառնահամ,  
 Եւ անորիչ ցոլացմամբ մի ընդ աղօտ  
 Ծիրաներփնէր ինձ ապառնւոյս առաւօտ,  
 Եւ նայուածքէս հատանէին ճաճանչներ  
 Որք, անտես ինձ, ցոլանային լուսահեր.  
 Երբեմն, երկար լըռութենէ մի յետոյ,  
 Հայր իմ եւ մայր, զըւարթադէմ, յուզեալ, գոհ,  
 Նախ ժպտէին միմեանց, ապա կոչելով  
 Ձիս իւրեանց մօտ, սրտասպտար ի գորով  
 Ձիս գրկէին եւ ցնծութեան արտասուօք  
 Պագնէին զիս:

Ա՛հ, պատճառն ի՞նչ էր արդեօք:

Պրոֆեսոր Մարտիկ  
 1880, Մայիս.

Յոսիպ. Երման



Ե Ս Ձ Ք Ե Չ Յ Ի Ե Ե Մ

Երբ վարդերն ի հող կըքին ճիւղերէն,  
Երբ գարնան ժպտով զուարթանայ ամեն.  
Եւ թէ ձմեռ լինի, ճիւղներ սառնապատ,  
Կամ ամրան խորչակ շնչէ յանասպատ,

Աղջիկ դեղադէմ,  
Ես ըզքեզ յիշեմ:

Թէ երեկոյին ոսկի ձգէ արեւ  
Բարձրաբերձ լերանց գլխէն ի ստորեւ.  
Թէ այգ վարդածիր գայ զիս իմ քընէն  
Արթնցունելով գգուել մայրօրէն.

Մէր հոգւոյս նըսեմ,  
Ես ըզքեզ յիշեմ:

Թէ այս հէք կենաց շարժմունք եւ հոսանք  
Ձիս շուրջ են պատեր անհուն անձկութեամբք.  
Կամ գործոց վերայ խօսի 'նձ բարեկամ,  
Նորա խօսքերուն պատասխան ես տամ.

Այլ քաջ ես գիտեմ  
Թէ ըզքեզ յիշեմ:

Թէ երգք ի խնջոյս հոսին եւ դաշնակ,  
Ոտք ի թինդ սէր յաչս, գինին ի բաժակ,  
Թէ լոյս եւ ծաղկունք եւ ժմիտ երկնապլաց  
Շրջապատեն զիս եւ կան գրկաբաց,

Ո՛վ պատկեր վըսեմ,  
Ես ըզքեզ յիշեմ:

Գիշերուան պահուն թէ խոկմունք տըզեղ  
Ցուրտ ճիրաններով խեղեն զիմ ուղեղ.  
Թէ աչացս բացուին շիրմաց պաղ քարեր,  
Կամ սեւ սեւ յերկինս բարձրանան նոճեր,

Ո՛վ աստղ լուսածեմ,  
Ես ըզքեզ յիշեմ:

Մանուկ օրերուս զըւարթ յիշատակք  
Թէ դան սրտիս մէջ հնչել սիրունակ.  
Երբ ես մտածեմ թէ ինչպէս շուտով  
Անհետին օրեր, որպէս դեռք ի ծով,  
Ինչի զոր պաշտեմ,  
Ես ըզքեզ յիշեմ:

Աւանդ, չեմ խօսիր թէ երբ միայն եմ,  
Ո՛ւր երթան միտք իմ, դողոջով եւ դժխեմ.  
Ձամեն մոռանամ. չիք ինձ եւ ոչ ինչ,  
Եւ գերդ ի պատկեր օղային եւ ջինջ,  
Աշխարհ իմ ամեն,  
Ես ըզքեզ յիշեմ:

1872, Մայիս.

Ա Յ Ն Օ Ր

Երթայր, սահէր դեռն յանդորրու.  
Ոմըն մանուկ եւ սիրարկու  
Կայր ախանց մօտ կանդուն, տըխուր,  
Շատերուն մէջ, տասըն, հարիւր.  
Աղջիկ աղուոր,  
Գիտե՞ս այն օր:

Խուռն ամբոխին մէջէն մանկան  
Աչերն քոյոցդ հանդիպեցան.  
Այն վայրկենէն անմիջապէս  
Նա կուրօրէն սիրեց ըզքեզ.  
Մանկիկ անզօր,  
Գիտե՞ս այն օր:

Ջրմեռուան մէջ գիշեր մի էր ,  
 Դահլիճներու մէջ սիրանուէր ,  
 Ուր ճրագ փայլուն , գողտր էր դաշնակ .  
 Շատեր կային անդ գեղունակ .

Ասա ինձ որ  
 Գիտես այն օր :

Լաւ . ճեմելեաց մէջէն անձուկ ,  
 Ուր հազիւ կայր հասակդ ճապուկ ,  
 Պատանի մի տեսար անձկոտ .

Կարմրած , երեսդ նայէր երկչոտ .  
 Կոյս գեղաւոր ,  
 Գիտես այն օր :

Դեռ շատ ատեն չէ որ մինակ՝  
 Ալեաց վերայ խեռ , կապուտակ  
 Նաւակ մ'անցնէր արագընթաց  
 Տանդ առաջէն մօտ ծովափանց .

Ես կարծեմ որ  
 Գիտես այն օր :

Ովկէանին սկզ ալիքներ  
 Ժայռից վրայ ցօղ էին սփռեր .  
 Գայր նա ժայռից վերայ տրտում  
 Ողբալ ի յողբրս անպատում ,

Ողբեր անգոր .  
 Գիտես այն օր :

Սեպածեւ խութք ի ծովափունս  
 Նաւակ մ'էին կլներ անուս .  
 Խեղճ նաւաստին դեռ որոնէր  
 Իւր նաւակըն եւ հեծեծէր

Ի հառաչ խոր .  
 Գիտես այն օր :

Երիտասարդ մ'ընկողմանեալ  
 Հոն նստէր , աջք իւր սեւեռեալ

Պատուհանին ուր նստէիր .  
 Անցաւ լռին բան մի սիրալիր ,  
 Հանդիսաւոր .  
 Գիտես այն օր :

Այն մանուկը , այն պատանին ,  
 Երիտասարդն նոյն անձն էին .  
 Ա՛հ , ես էի , գքեզ կը սիրեմ ,  
 Այդ սէրն ի մէջ սրտիս պահեմ  
 Միշտ գօրաւոր  
 Մինչեւ ցայն օր ,

Յորում հոգիս կենաց , լուսոյ  
 Յետին ողջոյն տայ մեկնելոյ ,  
 Ուր անչունչ ոգւոյ նրման ,  
 Իջնեմ սրտի ի գերեզման .  
 Մի ասեր որ  
 Երբ է այն օր :

1873, Յուլիս .

Կ Ղ Ձ Ի Ն

Ձինչ գորգ զոր կինն էարկ քնքոյշ յաւազան  
 Եւ զոր ալեակք փոքրիկ շարժեն փրփրացան ,  
 Կայր կղզեակըն ի մէջ ծովուն կապուտակ ,  
 Ի խնկարոյր պճնեալ ծաղկունս երփներանգ .  
 Եւ որ սիրէն գգուել զարօտս շունչ հոգմոց  
 Տատանէր զմարդ իբրեւ զգունեան մի ծածկոց :  
 Ո՛չ բազմամարդ ինչ անդ փողոցք բազմախուռն ,  
 Եւ ո՛չ չորինդըն կառաց տրոփէ անդ յախուռն :  
 Յոքնադիմի ոչ ըզզընան արք օտար ,  
 Կամ բազմագոջ չահախնդիր չեն սրեար :  
 Այլ ուռ համբուն եւ խաղաղիկ գերդ բնութիւն ,

Որ յայդքան շնորհս ընու գտեղին սիրասունս :  
Ամբիժ , անմեղ է այդ կղզեակ գեղեցիկ ,  
Նըման գրախտին զոր տես Ադամ ծաղկափթիթ :  
Տանիք աստ անդ սակաւաթիւք բարձրանան ,  
Եւ ծուխն յերգեաց թռանի յերկինս ման ի ման ,  
Որպէս խնկոց իմն անուշից սրբանուէր  
Բուրումն էին շնորհապարտ իմն ի սէր :  
Մատրունք կրկին զուգեակ բըլերց ի խորան  
Համեստ գըլուխս վերամբառնան սրբազան .  
Եւ ծառք նախնի ոյց գլուխն ի յամպս ծածանի ,  
Հողմասարուռ նոթձէ այնց վեհ հովանի :  
Եւ առ ախարք տիրէ հեզիկ իմն անդորր ,  
Զոր ալեկացն եւեթ խոովէ մուռնչ անզոր :  
Այլ մերթ ընդ մերթ տեսանի կոյս գեղանի  
Յրտասարուռ՝ հայել ընդ ծով կատաղի ,  
Եւ զհողմածուփ ամիտփեալ հերս ընդ ձեռամբ ,  
Առ երկիւղին դիտել գերկինս խեռ եւ զամբ .  
Կերթ յամրաքոյլ շրջի կոյսըն առ եզերր ,  
Յածեալ ընդ ջուրսն աչս որ ասեն , « Գայցէ երբ » :  
Ոչինչ հեռի անխօս գընան զոյգ մանկունք ,  
Զանմեղութեան կալեալ զմիմեանց ձեռս փափուկ ,  
Եւ ի ծովուն անդր ի յախունս նաւավար  
Մըղէ զնաւակն ոլորապտոյտ , հողմահար :  
Քանի՛ չքնաղ տեսիլ . ահա տղայքն երկու  
Դէմ եղեալ անդր փութան ի քայլ սիրարկու :  
Փարի սիրով հայր զորդեկօք խնդալից ,  
Եւ լիաշուրթն լըսի շշուկ համբուրից :  
Այսպէս բնութիւն , սէր եւ անդորր լըռանիստ  
Տիրապետեն գեղաշնորհ ի տեղիսդ ,  
Եւ որ կամինն ըզշնորհս իւրեանց առնել յայտ  
Երկինք ժպտին առ այդ կղզեակ սիրակաթ :

17126-17129

2013

